

甘肅全省新通志

卷玖拾

地 180  
39  
部 = 74

76587

甘肅新通志卷之九十

箴

漢揚雄雍州箴

黑水西河橫截崑崙邪指閭闔畫為雍垠上侵積石  
下礙龍門自彼氏羌莫敢不來庭莫敢不來匡每在  
季王常失厥緒侯紀不貢荒侵其寓陵遲衰微秦據以戾興兵山  
東六國顛沛上帝不甯命漢作京隴山以徂列為西荒南排勁越  
北啟疆胡并連屬國一護攸都蓋安不  
忘危盛不諱衰牧臣司雍敢告綴衣

後漢皇甫規女師箴

觀象制教肇經乾坤家有王義室有嚴君各有  
定位陰陽是分昔在軒轅陶化正刑刑于壺闈  
以臨百官煌煌后妃女統是閑穆穆夫人爰采潔縈師禮莫違而  
神罔時怨關雎首化萬國承流實有淑女允作好逑唐媛與媯文  
母盛周德音不回宏濟大繇咨爾庶妃靈輅斯邁戰戰兢兢勵省  
譽帶漸近不形變起無外行難著而易喪事易失而難退動若順  
流應如發機奉上惟敬撫下  
惟慈怨豈在明患生不思

明李夢陽六箴

太僕儲先生曰人有六事心事身事家事官事人事  
文事空同子聞之曰嗟乎有非在我者焉如彼何著

甘肅新通志

卷九十

藝文志 箴

六箴

心箴 不可對人言曰慝言之而不行曰惑行之而不至  
日晝非所存而言曰賊亡是而靡獲自盡則天也 身箴 烈女

能必其己之不污不能必其夫之不愚時之弗踰夫是則烈女也  
已 家箴 有負郭田百畝藟桑數十株可以聚廬矣進竭其躬

退為未夫不亦可乎 官箴 君子徇道志士徇名嗇夫徇利是  
究是圖毋視厥位 人箴 信道莫如守己省事莫如寡交君子

日中古貴施報苟以禮至斯應之矣 文箴 古之文以  
行今之文以葩葩為詞腴行為道華嗟彼千鈞一髮奈何 周懋相

訓士箴

學宮落成集諸弟子員進而箴之曰 堂之闢矣美與美  
輪德之明矣富有日新莫高跡聖莫卑跡身參三靈萬至

貴至尊堯舜可為言匪無因八荒一闢滿腹皆春 杏爾多士四  
民之歸柱史簡邁制並兩畿卧碑學政星日共垂可甘墮落越矩

踰規毋抗公典毋從匪彝葆席上珍為世羽儀 勳華事業孝弟  
為基庸言庸德登高自卑本根弗漑枝葉空披明發可懷篤我宗

支為胞為與西銘是師和氣致祥百祿歸之 性近習遠全由氣  
質沈潛高明剛克柔克警墮矯輕弦韋緩急莫倚客氣莫驕游佚

獨復中行斬釘截鐵  
豪傑心腸聖賢事業

國朝吳鎮孔祠廊廡八箴

孝箴 萬物化育陰陽造形烏哺羔乳具有  
性靈維昔先聖行在考經奕世孫子奈何不

聽弟箴 維昆與季同氣連枝豈無他人匪我壘篋所求乎弟  
至聖難之婦言勿用庶免睽離 忠箴 諸聲會意中心為忠事  
君以此金石流通我曹羣處自謀各工當如宗聖首省吾躬 信  
箴 人言為信犬言為信尼山之門詎有蘇秦天日指誓忽若飄  
塵車無輓軌徒勞逡巡 禮箴 禮範羣動如金在鎔藏身之固  
此為城墉乃祖四勿復聖所宗當思相鼠莫信猶龍 義箴 義  
名正路君子所由集為浩氣天地充周喻利者愚怵害者柔胡舍  
熊掌而涎泥鯁 廉箴 五兵之刃其銳為廉惟有稜角乃無憎  
嫌原生辭粟仲子哇甘古之矜也亦可藥貪 恥箴 恥之於人  
亦大矣夫失則跖子得則舜徒播間酒肉涕泣漣如勿以醉飽驕  
爾妻 韓藥勤儉箴 人生天地間富貴誰不欲己力不經營日用安  
能足成立最艱難破蕩真迅速貧窮因懶惰借  
貨遭恥辱儉用勝求人奢麗莫隨俗男若勤耕種饑不愁穀粟女  
若勤紡績寒不慮衣服勿謂長少成光陰似轉軸男大婚事迫女  
大嫁斯促雙親有老病百費相繼續臨期欲  
副用閒時須積蓄勉旃復勉旃慎勿惜勞碌

銘

古黃帝巾几銘

毋弁弱毋倭德毋違同毋敖禮毋謀非德毋犯非義  
無掘壑而附邱無舍本而逐末日中必彗操刀必

甘肅新通志

卷九十

藝文志 箴 銘

二

割執斧必伐日中不彗是謂失時操刀不割是謂失利執斧不伐  
賊人將來涓涓不塞將為江河熒熒不救炎炎奈何兩葉不去將  
用斧  
柯

漢傅毅車左銘

盧氏作車取象璣衡君子建左法天之陽正立受綬  
車不內顧塵不出軌鸞以節步彼言不疾彼指不躬

元覽於道  
永思厥中

車右銘

擇御卜右採德用良詢納耆老於我是匡惟賢  
是師惟道是式箴闕旅責內顧自式匪望其度

匪愆其則越戒  
敦約禮以華國

車後銘

敬其在路體貌思恭望衡顧轂允慎茲容  
毋或好佚匪盤於遊顧省厥遺虎尾斯求

昭德塞違抑盈以無  
雖有三晉欲然若虛

晉張華崑崙銅柱銘

崑崙銅柱其大如天  
員周如削膚體美焉

崑崙大鳥銘

有鳥希有綠  
赤煌煌不鳴

不食東覆東王公西覆西王母王母  
欲東登之自通陰陽相須唯會益工

傅元衣銘

衣服從其宜君子  
德也衣以飭外德

以備內內修外  
飭禮有制也

唐權德輿幾銘

太和熙熙酌而用之旁魄變化皆生乎幾上合乾道  
萬物陰陽下為人紀百工咸秩游泳虛無合體渾區

乃卷乃舒與羣有俱沖用爲工方寸爲鑪周行不殆造物何倖一以制動寡以理眾或行其道或藏其用盤桓利貞得時大行燮贊裁成粲然文明舒互八極藏之無形山川出雲元氣冥冥故曰知幾其神孔父周文去聖遠矣時無其人見幾而作造形斯悟遽生可卷顏子殆庶物至知之節宣好惡無愆五事無汨百度靜之如淵運之如環得喪糾纏相望其間不見其朕莫知其然審而用之吾道

**世德銘**肅肅我祖元鳥自天天乙革命武丁相賢手文命子常全開國於權肇荒南荆瓜瓞綿綿爰暨周襄征伐下顛凌暴紛紛遇楚而顛羸吞四方我邦用遷乃宅隴坻乃封甘泉漢魏之際守相相繼或仁或哲亦夷亦惠圖謀歲蕤十有三世伊川其戎晉化爲東九州輻裂持有關中明明安邱濡跡匪躬二紀清夷明謨之功元魏以降苴茅繼封宜昌鄜城仍世儀同洸洸平涼策勳于隨乃破公福勉其枚迴運偶聖時土田載開仗節建旄白東徂西父子六人承家鍾慶百里同休南宮並命自時厥後德輝愈盛不享大官世名文行我曾王父弱歲觀光聲軼大學名登奉常偉節三虎聯華並芳翰苑春生士林風翔迨至王父保和居易人文獨步天爵自貴展禽下位賈生不試至今德聲尚聳清議郁郁世範天子承之大節明義人倫宗師行極忠孝道冥希夷卷舒無方焯燿當時曰子無狀亂歲而孤不知義方藐爾蠢愚亦旣羈貫甫習詩書以貞爲師與時寢疏琅琅清風皦皦曠士則及茲頑童不壽爲善者何君不幸耶時不幸耶

甘肅新通志

卷九十

藝文志 銘

三

是玷是辱聿修之戒大懼

**李華權祕書銘**忠於而國孝於而家潔不克夙夜以思敢銘世德

不克夙夜以思敢銘世德

**宋石介擊蛇笏銘**

天地至大有邪氣干於其間爲凶暴爲殘賊聽其肆行如天地卵育之而莫禦也人生最靈或異類

出於其表爲妖怪信其異端如人蔽覆之而莫露也祥符間甯州天慶觀有蛇妖極怪異郡刺史日兩至於其庭朝焉人以爲龍舉州人內外遠近罔不駭奔於門以覲恭莊肅祇無敢怠者今龍圖侍御孔公時佐幕任是邦亦隨郡刺史於其庭公曰明則有禮樂幽則有鬼神是蛇不亦誣乎惑吾民亂吾俗殺無赦以手板擊其首遂死於前則蛇無異焉郡刺史暨州內外遠近庶民昭然若發蒙見青天覩白日故不能肆其凶殘而成其妖惑易曰知鬼神之情狀公之謂乎然天地鍾剛正之氣在公之笏豈徒斃一蛇而已軒陛之下有罔上欺民先意順旨者公以此笏指之廟堂之上有蔽賢蒙惡違法亂紀者公以此笏麾之朝廷之內有諛容佞色附邪背正者公以此笏擊之夫如是則軒陛之下不仁者去廟堂之上無奸臣朝廷之內無佞人則笏之功也豈止在一蛇作笏銘曰

至正之氣公乃能得笏之在公能破淫妖靈氣未竭斯笏不折正道未亡斯笏不藏惟公寶之烈烈其光

明肅莊王金天觀記銘

大道相傳始由黃帝歷代繼承爰及於茲洪惟皇考奉天受命以定海宇肆類上帝宜於

豕土禋於六宗望於山川享於宗社遂命羽士奉祀百神欽崇大典可謂聖治宏遠也歲己卯仲夏余自甘州抵蘭邑仰觀俯察城之西南山環三面有仙人舞袖之形河距北流如九曲之勢玉案之峰在前左右交加於劍水龍翔虎伏掩映其墟欲作仙林僉以為可至庚辰遂得其地春肇其事告成於秋其觀之制東有望仙橋西上乃外之垣周圍三里東有大門左右列戟曰皋蘭福地正南鑿一碧沼曰五龍之潭外南門曰金天觀龍虎在焉左有元壇祠右有真武祠正門曰九天門雷公電母風伯雨師居其下中有檄雷之壇左曰法主堂右曰天師堂正殿曰雷祖寶殿殿南向其雷師皓翁卿使師相十大雷神列班左右後有元極殿中有三清左右設南北二派五祖七真周而廟廡後有神御殿在九陽峰上東有道院西有環室其金碧之美丹雘之飾董正其事者鑄之碑陰吁自浮麗演教靈寶傳科雷有多門清微混沌太極先天後天五雷殺伐顯諸仁而藏諸用一念潛通於上下幽明弗違於兩間故神無方而易無體理性立命乃歸於道吾莫知其幾人自昔諸侯王溺教未明流於淪胥深可歎也余長自深宮周遊演武開國建封歷事多艱具知道典用彰混元祖教於戲為民祈福使雨暘時若而五穀登家給豐而人用足體天地之好生布雷霆之法律

甘肅新通志

卷九十

藝文志 銘

四

庸作銘曰於昭雷宮琳琅鬱葱右拱白虎左抱蒼龍朱雀在前元武後從予昔爰卜允釐百工大闢洪猷用開元宗曰若羽士適合厥中丕懋厥德乃奉乃崇勿私於己弗念於躬動必由禮勅法嚴恭天有顯律用守厥衷爾無私欺慎始慎終訓於蒙士以來會同高高在上覆載無窮寂然不動感而遂通

劉敏寬請封祁連山銘

雷霆將吏寅亮天聰稽首金天永保國封  
明王有道不勤遠略守在四夷蠢茲醜蠻整居荒落易屬羈縻戎心叵測左窺右盼竊發西陲長蛇封豕憑陵上國盱盱睢睢帝赫斯怒乃申九伐乃整六師爰命西帥昇茲日月殲此月支桓桓田公為苴而正為單而奇皇皇簡書授以節鉞假以便宜惡稔青酋亟須剪滅而後朝食兵不留行出車六月盛夏赫曦醜蠻分摧顛崖湮谷如鯨如鯢亦粵戊子永酋邁逆天討久稽公令元戎敵王所愾京觀其尸殄厥渠魁併其羣醜靡有孑遺公策二酋難心不戢毋令遽鬻躬率一軍協連諸校是肆三犁火烈既揚公親逐北介馬而馳若雷斯轟若彗是掃若電斯飛腥延紅崖膏渾青海血赭燕脂伐鼓吹鐃釋冰反旆薄言旋歸露布獻功稽首再讓臣何敢居惟帝曰咨師武臣力厲其庶而何錫予之彤弓旅矢麟趾犀皮載命太常其以勳伐勒彼鼎彝礪山帶河爰及苗裔天祿永綏

微臣揚扞豐碑  
高峙億萬年斯

國朝呂高培東林和尚觀如禪師塔銘生不生滅不滅西方東域何區別能達觀乃自如六塵五蘊皆

消除十六妙觀徹三品性相如如本無朕殼漏子楊應瑒道署聞既屠維常樂我淨嗚呼支提用勒貞珉示爾羣細

徹軒銘并序署西偏隙地軒爽余引流種樹建屋三楹以聘懷也方伯徐公謂余曰唐處士孟浩然有開軒卧閒傲之句

此間近之因以顏額公餘偃仰吏乎有處士之娛矣疊為三銘曰忙則不閒狹則不做筆搖花落吏擁雪響山節藻稅此何為

者小橋流水身疑在野種樹成趙明孫和尚塔銘渭山永峙渭林山鳥亂啼風雨如晦七聖猶迷

掩映歷傳千秋春風夜雨瑞靄霞浮神歸化域筏濟村儔里人感德建此一酬何處招魂月下峰頭李南暉慎思堂

銘浩浩乾坤萬象交併我有廣庭立之中正梁棟隆吉戶牖安定既湛既肅有嘉有慶月朗風和八窗四耿居斯堂也出入必慎

又云天地無可圖報只是勉力為善聖賢無可圖報只是反己自修朝廷無可圖報只是循分盡職祖父無可圖報只是守身教子

范鍾天慶觀鐘銘鞏郡善信之補葺天慶觀也肇事道光丁亥春之功亦告蕙焉乃鐘縣壘裂若破缶然爰告臯氏模土範金象規

中律視舊製加精而宏鍾過之模既成博士弟子員范鍾盥手而

甘肅新通志

卷九十

藝文志 銘

五

刻銘焉銘曰積陰陽炭運造化鑪丁公火熾箕伯風呼百靈護鼎躍冶金無鑄就蒲牢響徹雲衢天神可禮元父曰都各發深省

塵夢覺初和鳴盛世萬禩左宗棠平涼畫石屏銘同治十年三月

石三尺天然畫圖書此泐其上永供佛寺為此邦祈福也銘曰木病斯癭石靈成影高平之山孕茲奇景爰公著膝山果墜嶺摩

挈幾遭塵空炯金積既泐空同頂叵奈硜硜筆力莫逞馬肆獻奇志之云幸用供古佛聊慰寂靜關隴其甯年豐壽永車騎燕然吾

曷敢天山扶欄銘天山三十有二般伐石貫木樹扶欄誰其化險請

靖銘石字龍蟠戒毋折損侯秩嘉峪石硯銘茲曰三德體制潤澤毋鑽利光緒二年六月刊

附神道碑墓志銘

周庾信柱國大將軍田宏神道碑銘公諱宏字廣略原州長城縣人

讓之風鳳皇于飛紹於親賢之國論其繼世之功則狄城有廟序其移家之治則長陵有碑况復高廟上書小車而對漢主聊城祭

鳥長岳而驅燕將公以胎教之日歲德在寅載誕之辰星精出昴是以月中生樹童子知言水上浮瓜青矜不戲而受書黃石意在

王者之師揮劍白猿心存霸國之用魏永安中任都督潘原州城受隴西王節度于時洛邑亂離當途危逼禮樂征伐不出於天子舉賢誅暴實在於強臣太祖文皇帝始創霸功初勤王室秣馬蒐乘誓衆太原公仗劍轅門精謀當世隨何遠至實釋漢帝之憂許攸夜來即定曹王之業永熙中奉迎魏武帝入關封鶉陰縣開國子邑五百戶太祖以自著鐵甲賜公云天下若定還將此甲示寡人白水良劍罷朝而贈陳寵青驪善馬迴車而賜李忠竝經輿服足爲連類大統三年轉帥都督進爵爲公十四年授使持節都督原州諸軍事原州刺史仙人重返夏入桂陽之城龍種復歸還尋白沙之路公此衣錦鄉里榮之時從太祖戰河橋復宏農解華山圍平沙苑陣每有元勳常蒙別賞太祖在同州文武並集號令云人人如紇干宏盡心天下豈不早定即投車騎大將軍儀同三司前魏元年轉驃騎大將軍開府祁連猶違即授冠軍之侯沙漠未開先置長平之府梁信州刺史蕭韶甯州刺史譙淹等猶處永安稱兵漁陽公受命中軍迅流下嶺遂得朝發白帝暮宿江陵猿嘯不驚雞鳴即定西平反羌本有漁陽之勇鳳州叛氏又習仇池之氣公催鋒直上白刃交前萬死一決凶徒多潰身被一百餘箭傷肉破骨者九瘡馬被十槊露布申上朝廷壯焉葛屨糾糾魏有去舊之歌零露灑灑周受惟新之命乃晉爵封雁門郡公食邑通前二千七百戶保定元年授使持節都督岷州諸軍事岷州刺史隴

甘肅新通志

卷九十

藝文志 銘

六

頭流水延望秦關川上峨眉猶通蜀道公不發私書不燃官燭默則相負渡江蟲則相銜出境四年拜大將軍餘官如故衛青受詔未入玉門之關竇憲當官猶在燕山之下公之此授差無慙德渾王叛換梗我西疆巖羌首竄藩籬攜貳公受服于社偏師遠襲揚旂龍涸繫馬甘松二十五王靡旗亂轍七十六柵鶉奔雉竄旣蒙用命之賞乃奉旋師之樂天和二年被使南征帶甲百萬舳舻千里江源水起海若乘流船官之城登巢懸纍吳兵習流長驅戰艦風灰箭火倏忽凌城公以白毛麾軍宋絲度水七十餘日始得解衣朝廷以晉剋夏陽先通滅虢之政秦開武遂始問吞韓之謀是以馳傳追公以爲仁壽城主齊將段孝先解律明月出軍定隴以爲宜陽之援公背洛水而面熊山陣中軍而疏行首乘機一戰宜陽銜壁增封五百戶進柱國大將軍司勳之册也建德元年拜大司空二年遷少保姬朝三列少保爲前炎正五官冬官爲北頻煩寵命是謂賢能三年授使持節都督襄郢昌豐唐蔡六州諸軍事襄州刺史江漢之間不驚雞犬楚襄之下更多冠蓋旣而三湘遼遠時遭鵬入五溪卑溼或見鳶飛舊疾增加薨于州鎮天子畫凌雲之閣言念舊臣出平樂之宮實思賢傳有詔贈某官禮也卽以四年四月二十五日歸葬於原州高平之鎮山屬國元甲輕車介士一依霍驃騎之里衛將軍之葬嗚呼盛哉公入仕四十五年身經一百六戰通中陷刃疾甚曹參刮骨傳染事多關羽而風神果

勇儀表沈雄學不專經略觀書籍兵無師古自得縱橫青烏甲乙之占白馬星辰之變九宮推步三門伏起天弧射法太乙營圖並皆成誦在心若指諸掌虜青犢之兵甚有祕計燒烏巢之米本無遺策西零賊退屈指可知南郡兵迴插標而待常願執金鼓而問吳王橫琫戈而返齊地有志不就忠貞死焉世子仁恭等孝惟純深居喪過禮對其苦寢則梓樹寒生聞其悲泣則巢禽夜下嗚呼哀哉乃爲銘曰 天齊水合日觀三連兵強東楚地遠西燕五刑咸正三王並賢靈龍更起燧象還燃自天之德乃祖乃父維嶽降神生申及甫北門梁棟西州雲雨勇警燕城名題漢柱公始青矜風神世載猛獸不驚家禽能對劍學千門書觀六代有竭忠貞無違敬愛乃數軍實乃握兵謀澆沙成壘聚石成圖風雲順逆營陣孤虛靈雨鉅鳴耀火飛狐淮陰受册車騎登壇公爲上將有此同官下江燒楚下地吞韓推功玉案定策珠盤天有三階公承其命國有六卿公從其政台曜借輝槐庭重映匡贊七德謨猷八柄腹滿精神心開明鏡伏波受賑樓船推轂東道未從南征不復飲丹有井澆泉有菊功存柳林身在橋木移茵返葬提柩山行芻靈隴水哀挽長城山如北邙樹以東平松門石起碑字金生渺渺山河熒熒允子泣血徒步奔波千里孝水先枯悲雲卽起世數存沒哀榮終 驃騎大將軍開府儀同三司冠軍伯柴烈李夫人墓志銘人始

甘肅新通志

卷九十

藝文志 銘

七

諱某隴西狄道人也周有柱史夫子以之猶龍漢有將軍宛城以之輸馬復有西人上書仍爲秦王之相東向問計卽是韓王之師父宜使持節大將軍南北二華州刺史順陽郡公魏武皇帝之長舅也穰侯魏冉居咸陽之宮曲陽王根借明光之殿語其貴戚差足擬倫論其揖讓彼多慙德夫人幼而聰敏早聞令淑彤管有美賢才見稱弄其紙筆懼失諸兄之意剪其髻髻畏傷王母之心年十有一出適驃騎大將軍開府儀同三司冠軍伯柴烈以上將頒朔中台受任軍國忠勤規模繁總夫人輔佐君子言容匡贊增耀三星欽明四德授中沃盥有謹於事姑斷織停機無忘於訓子保定二年册授大夏縣君旣以夫尊又云子貴乃遷順陽改郡君夫人之邑或用鄉名小軍之號多從夫秩典册光臨足稱榮寵本有風氣之疾頻年增動畧多忱卧飛甍之散遣疾無徵畫龍之符流年不驗以今建德四年三月日薨於館舍春秋四十九卽以其年八月日葬於長安之洪瀆原神光離合尙在河涓雲氣徘徊猶歸樓下嗚呼哀哉乃爲銘曰 上書秦相立功漢將隴水分流秦州遙望秋陸俗勇金行地壯廣武軍中安平河上妻者齊也謂嫁曰歸三星夜照百兩朝飛禴禔有典容禮無違台庭等秩侯服同衣子奉母儀夫聞家政七族承和九閨連慶紛悅恭肅溫清孝敬杼秉秋成蠶繭春令年華未落電影先過徒餐日氣空飲天河星凋玉井月捐金波虞淵浴日薤露哀歌寢寢荒涼象設幽隴龜封重泉蟻



結秋色懷愴松聲斷絕  
百年何幾歸於此別

### 唐于志甯皇甫府君碑銘

夫素秋肅煞勁草標於疾風叔世艱虞忠

于記牒微烈著於旂常豈若疊起蕭牆禍生蕃翰強踰七國勢重  
三監其有蹈水火而不辭臨鋒刃而莫顧激清風於後葉抗名節  
於當時者見之宏義明公矣君諱誕字元憲安定朝那人也昔立  
効長邱樹績東郡太尉裂壤於槐里司徒胙土於彤門是以車服  
旌其器能茅社表其勳德銘功衛鼎騰美晉鍾盛族冠於國高華  
宗邁於樂郤備在史牒可略言焉曾祖重華使持節龍驤將軍梁  
州刺史潤木暉山方重價於趙璧媚川照闕耀奇采於隨珠祖和  
雍州贊治贈使持節散騎常侍車騎大將軍儀同三司膠涇二州  
刺史高衢將驍遽友追風之足扶搖始搏早墜垂天之羽父璠使  
持節驃騎大將軍開府儀同三司隨州刺史長樂恭侯橫劍陸極  
威重冠軍折瑞蕃條聲高渤海公量包申伯稟嵩山之秀氣材兼  
蕭相降昴緯之淑精據德依仁居貞體道含章表質詎待變於朱  
藍恭孝爲基甯取訓於橋梓鋒剗犀象百練挺於昆吾翼掩鴛鴦  
九萬奮於溟海博韜胥產文騰卿雲孝窮溫清之方忠盡匡救之  
道同何充之器局被重晉君類荀攸之宏圖見知魏主斯固包羅  
眾藝囊括羣英者也起家除周畢王府長史策名蕃牧則位重首

## 甘肅新通志

### 卷九十

藝文志 銘

八

寮袷服睢陽則譽光上客既而蒼精委馭炎運啟圖作貳邊服是  
資令望授廣州長史悅近來遠變輕詆於靡題伐叛懷柔漸涓化  
於緩耳蜀王地處維城寄深磐石建旗玉壘作鎮銅梁妙擇奇材  
以爲僚佐授公益州總管府司法昔梁孝開國首辟鄒陽燕昭建  
邦肇徵郭隗故得馳令問於碣館播芳猷於平臺以古方今彼此  
一也尋除尚書比部侍郎轉刑部侍郎趨步紫庭光映朝列折旋  
丹地譽重周行俄遷治書侍御史彈違糾隱時絕權豪霜簡直繩  
俗寢貪競隋文帝求衣待旦志在恤刑况網泣辜情存緩獄授大  
理少卿公巨細必察同張季之聽理寬猛相濟比于公之無冤但  
禮聞務殷樞轄寄重允膺此職寔難其人授尚書右丞洞明政術  
深曉治方臧否自分條目咸理丁母憂去職哀慟里閭鄰人爲之  
罷社悲感衢路行客以之輟歌孝德則師範彝倫精誠則貫徹幽  
顯雖高曾之至性何以加焉尋詔奪情復其舊任于時山東之地  
俗異民澆雖預編民未行聲教詔公持節爲河北河南道安撫大  
使仍賜米五百石絹五百匹公輶軒布政美冠皇華之篇擁節觀  
風榮甚繡衣之使事訖反命授尚書左丞然并州地處參墟城臨  
晉水作固同於西蜀設險類於東秦實山河之要衝信蕃服之襟  
帶授公并州總管府司馬加儀同三司公贊務大邦聲名藉甚精  
民感化黠吏畏威屬文帝劍璽空留鑿蹕莫反楊諒率太原之甲  
擁河朔之兵方叔段之作亂京城同州吁之擬禍濮上雖無當壁

之兆乃懷奪宗之心公備說安危具陳逆順翻納魏勃之策反被  
王悍之災仁壽四年九月溘從運往春秋五十有一萬機起殲良  
之歎百辟興喪予之悲切孔氏之山頽痛楊君之棟折贈柱國左  
光祿大夫封宏義郡公食邑五千戶謚曰明公禮也喪事所須隨  
由資給賜帛五千段粟三千石惟公溫潤成性夙秉白虹之珍黼  
黻爲文幼挺雕龍之采行已窮於六本蘊德包於四科延閣曲臺  
之奇書鴻都石渠之祕說莫不尋其枝葉踐其隩隅譬越箭達犀  
飾之以括羽楚金切玉加以磨礪救乏同於指困親識待其  
火進賢方於推轂知已俟以彈冠存信捨原黃金賤於然諾忘身  
殉難性命輕於鴻毛齊大小於冲襟混寵辱於靈府可謂楷模雅  
俗冠冕時雄者也方當亮采泰階參綜機務豈謂世逢多故運屬  
道消未展經邦之謀奄鍾非命之酷世子民部尚書上柱國滑國  
公無逸以爲邢山之下莫識祭仲之墳平陵之東誰知子孟之墓  
乃雕戈勒石騰實飛聲樹之康衢永表芳烈庶葛亮之隴鍾生禁  
之以樵蘇賈逵之碑魏君歎之以不朽乃爲銘曰 殷后華宗名  
卿胄系人物代德衣冠重世逢時翼主膺期佐帝運策經綸執鈞  
匡濟門承積慶世挺偉人夜光愧寶朝采慙珍雲中比陸日下方  
荀抑揚元輔參贊機鈞王葉東封貳圖北啟伏奏青蒲曳裾朱邸  
名馳碣石聲高建禮珥筆憲臺握蘭文陛分星裂土建侯開國輔  
籍正人相資懿德中臺輟務晉陽就職望重府朝譽聞宸極亂階

甘肅新通志

卷九十

藝文志 銘

九

蔓草災生剪桐成師構難太叔興戎建德効節夷吾盡忠命屯道  
著身沒名隆牛亭始卜馬犒初封翠碑刻鳳丹旆圖龍煙橫古樹

雲鎖喬松敬銘 盛德永播笙鏞 楊炯伯母東平郡夫人李氏墓志銘 隴西狄道人

也自涼武昭王以後一門三公爲四海著族國史家牒詳之矣祖  
光穎後周大將軍渭州刺史流江郡公考元明皇朝上儀同口口

濟三州刺史成紀縣男出入三朝剖符分竹秦隴河濟之地人到  
於今稱之天下士大夫知與不知莫不想望其風采夫人生而純

深幼而恭敬長而敦睦成而和惠年及初笄甫歸於我執箕帚奉  
舅姑人不間於娣姒妾媵之言閨門之內穆如也故宗黨推其令

聞鄉閭以爲美談東平公守清白之基逢太平之日辟命交至聲  
聞於天制徵尙書郎遷御史中丞出爲隸曹恆常四州刺史夫人

輔佐君子聿修內政平旦纒笄則有君臣之嚴沃盥饋食則有父  
子之敬報反而行則有兄弟之道受期必誠則有朋友之信其婦

德也如此歷職中外聲名藉甚和其琴瑟正其邦家者夫人與有  
力焉蓋嘗喟然而言曰古者卿之內子爲大帶命婦成祭服社而

獻功可不勛哉可不勛哉由是服澣濯之衣躬紡績之事筐筥錡  
釜之器所以執其勞蘋蘩蕝藻之菜所以明其德夫非博文達禮

貞婉聽從者孰能與於此乎及公乞骸告老退歸初服夫人年踰  
耳順視聽不衰每獻歲發春日南長至羣從子弟稱觴上壽耆勳

至數十百未嘗不勸言善誘借以溫顏侃侃焉閭閻焉有孟母之風焉有敬姜之誨焉維永清元年秋八月旁死魄寢疾彌留終於華陰之望仙里享年八十有一冬十一月一日景辰遷窆於永豐鄉之平原從先兆也東平公撫存懷舊用痛悼於厥心遠近咸集宗親畢會生榮死哀其此之謂矣是日也皇太子監守長安朔忝爲詹事司直不獲就展喪次陪奉靈輒敢薦李馬之文庶同潘岳之誄嗚呼哀哉乃爲銘曰 高岳之上浮雲翔兮函谷之外直氣揚兮建功北狄討西羌兮受封南鄭家素昌兮於赫祖考爲龍光兮牧州典郡佩銀黃兮降生淑質秉正祥兮若華菊茂蘭若芳兮我有懿德如珪璋兮求之卜筮鳴鳳凰兮君子至止玉環鏘兮室家好合琴瑟張兮執其麻枲供衣裳兮羞其饋食澄酒漿兮諸姑伯姊穆溫良兮姨姒叔妹歡未央兮公之出門牧守四方兮夫人之化德洋洋兮公之告老返維桑兮閨門之內道彌彰兮正月上日南至長兮子孫歡慶各稱觴兮宋公孟母魯季姜兮匪怒伊教由舊章兮方期高舉登紫房兮誰謂不宜掩元 張九齡牛意仁墓銘 公諱意仁字行恭殷後有牛父者宋大夫邯爲護羌校尉崇爲隴西主簿因官安定爰處鶉觚爲郡人公之族祖奇章公隋宗臣天下稱之大父通秉志守道交辟不起父會弱齡早代公考槃邱園屢空晏如或勸之仕但笑而不語開元六年隨子西征就養

甘肅新通志

卷九十

藝文志 銘

十

終於伏羌官舍時年七十有六冬十一月歸葬北原夫人同郡王氏先卒有子仙客官銀青光祿大夫太僕卿判梁州持節河西節度使兼隴右羣牧支度營田採訪處置使攝御史大夫隴西縣開國子以子貴贈公使持節涇州諸軍事涇州刺史夫人追封太原郡夫人銘曰 隴上多豪山西好武使君貞獨効不斯取惟道與徒與代立矩善有餘慶風亦變古不學而能不行而至跡有相混名無自異出入百年終始一意福流於後神明其事行止於身用存元體厥子嘉績中朝縛禮印迴壠墜門重旌榮逸人之墓今同郡韓愈故相國權公碑銘 文曰上之元和六年其相曰權公諱德子降封於權權江漢間國也周衰入楚爲權氏楚滅徙秦而居天水略陽苻秦之王中國其臣有安邱公翼者有大臣之言後六世至平涼公文誕爲唐上庸太守荊州大都督長史焯有聲烈平涼曾孫諱倕贈尚書禮部郎中以藝學與蘇源明相善卒官羽林軍錄事參軍於公爲王父郎中生贈太子太保諱皋以忠孝致大名去官累以官徵不起追諡貞孝是實生公公在相位三年其後以吏部尚書授節鎮山南年六十以薨贈尚書左僕射謚文公公生三歲知辨四聲四歲能爲詩七歲而貞孝公卒來弔哭者見其顏色聲容皆相謂權氏世有其人及長好學孝敬祥順貞元八年以前江西府監察御史徵拜博士朝士以得人相慶改左補闕章奏

不絕譏排姦倖與陽城爲助轉起居舍人遂知制誥凡撰命詞九年以類集爲五十卷天下稱其能十八年以中書舍人典貢士拜尚書禮部侍郎薦士於公者其言可信不以其人布衣不用即可信雖大官勢人交言一不以縉意奏廣歲所取進士明經在得人不以員拘轉戶兵吏三曹侍郎太子賓客復爲兵部遷太常卿天下愈推爲鉅人長德時天子以爲宰相宜參用道德人因拜禮部尚書同中書門下平章事公既謝辭不許其所設張舉措必本於寬大以幾教化多所助與維匡調劑不失其正中於和節不爲聲章因善與賢不矜主己以吏部尚書留守東都東方諸帥有利病不能自請者公嘗與疏陳不以露布復拜太常轉刑部尚書考定新舊令式爲三十編舉可長用其在山南河南勤於選付治以和簡人以甯便以疾求還十三年某月甲子道薨於洋之白草奏至天子痛傷爲之不御朝即官致贈錫官居野處上下弔哭皆曰善人死矣某年某月日葬於河南北山在貞孝東五里公由陪屬升列年除歲遷以至公宰人皆喜聞若已與有無忌嫉者于頔坐子殺人失位自囚親戚莫敢過門省願朝莫敢言者公將留守東都爲上言曰頔之罪既貫不竟宜因賜寬詔上曰然公爲吾行諭之頗以不憂凡前後考第進士及廷所策試士踵相躡爲宰相達官與公相先後其餘布處臺閣外府凡百餘人自始學至疾未病未嘗一日去書不觀公既以能爲文辭擅名累朝多銘卿大夫功

# 甘肅新通志

## 卷九十

藝文志 銘

十一

德然其爲家不視簿書未嘗問有亡費不待餘公娶清河崔氏女其父造嘗相德宗號爲名臣既葬其子監察御史璩纍然服喪來有請乃作銘曰 權在商周世無不存滅楚徒秦嬴劉之間甘泉始侯以及安邱詆訶浮屠皇極之扶貞孝之生鳳鳥不至爵位豈多半塗以稅壽考豈多四十而逝惟其不有以惠厥後是生相君爲朝德首行世祖之文世師之流連六官出入屏毗無黨無讐舉世莫疵人所憚爲公勇爲之其所競馳公絕不 牛僧孺昭義軍節

### 度使辛公神道碑銘

辛氏於隴西爲望家其後因官從帝或雍或

濬益以儒業自喜優游高放不樂取求制科高第乞官山水朝廷除處州遂昌令嗜不念歸舟移仍南及亡累贈至左散騎常侍僕射諱祕字藏之卽常侍府君第四子也以能通五經開元禮三命至華原主簿書判入等爲長安尉太常卿故丞相渤海高郢以唐制盡將禮樂委博士奏乞用公朝廷與之不能得去詔六年再爲禮部兵部員外博士猶如故朝有禮天地奉山園之使既謝上必奏曰臣唯乞得辛某自副幾不以禮樂累陛下上高之連可故於再爲禮義使判官雖當時者年鴻生語及禮卽唯曰辛某在若不

敢出山元和皇帝初元年高選刺史公出爲湖州時觀察使李錡不奉詔舉江南六州兵獲京口窺採石度臨江素流田命心腹將

率壯士高職重賄鉤其膽且約曰若等當以其口同起取五刺史  
欲斬以號令在綺鎮實多年交有素故刺史不得隸兵馬及難作  
顏防用李雲驅市人舉常一戰敗走李素受縛於蘇頊釘舡艙唯  
公以儒雅賊未急迫公乃夜起撫左右曰使若等有父母妻子成  
其家皆天子恩也若能臨李錡爲賊乎左右皆泣曰唯公命乃開  
出摩壘始呼大戰州東斬將屠營值旦悉先殲登城號令中外恬  
然於是時武功冠江南錡爲之失勢就縛天子親命使以金印紫  
綬賞公急詔徵爲河東軍司馬兼御史中丞其實將以大將節與  
公以故未畢就拜爲左司郎中更京兆汝州刺史本州防禦諫議  
大夫出爲常州刺史治職檢身專疑問詔升取河南尹時天子大  
舉伐趙旣釋復征司空度率五諸侯取蔡連戰四年伊瀋之郊屬  
刻百役公撫困應須怛怛甯甯上大喜出少府節以豹竿鼓燾驛  
走就授先一日立百辟於朝讀白紙詔命公以昭義軍節度潞州  
大都督府長史檢校工部尚書兼御史大夫公褒衣儒冠帶劍持  
節潞自盧從史不稟不供急斂自守人已大罷及相鄉連營三歲  
決死公之至止開城入府量倉數藏酸寒護落公私之具盡可哀  
痛左右前後計於公請乞救於上公曰天子以兵定殘賊空內府  
賞死士於今數年矣吾不能如卜式輩以家助獻詎敢復以請求  
苦上耶於是約出入齋用度俸不入家聘不資金宴不侑樂食不

甘肅新通志

卷九十

藝文志 銘

三

兼豆更四年詔徵府有賈十七萬食倉有斛七十萬刃銘甲堅幟  
赤幕青十五年冬行於洛及關以疾不任朝覲天子命貴人郊  
勞歸第以十二月己卯薨享年六十四上憫惜震悼罷朝贈尚書  
左僕射贈賚有加公於得入仕以業儒書於得著名以典禮樂於  
得勳賞以立武功於善終始以謙退勤儉於中外親既有名而貴  
於屬且近者餉給無所加疏而賤雖千百里曠不相面頌與無所  
疑大官十五年居不易宅死亡之日家不歲計公之於孔門可謂  
成人矣子男八人少穆少逸少恭長順仲豈行質仲和行儉或儒  
成文仕遍侯國夫人河東裴氏先公而卒將葬而公歎曰人之居  
無常而墳墓因焉吾家之兆及於四代三卜矣且使吾死有吾豈  
止墓而守者焉吾死無吾於地固無擇而已矣他日吾死於此亦  
遂葬而無用遷焉遂定乎萬年縣洪原鄉少陵原及將亡前爲交  
自誌其墓又重前說歿有書一通緘置几上旣開之卽送往節終  
之制且盡於此旣儉而周於禮不違時之名人無不多其能終而  
達其不獲耳諸孤恭命無敢墜失旣葬會謀白先人德行官業宜  
刻於石以聞不朽隴西牛僧儒時號專業文陳郡殷臺書迹絕妙  
且其人吾家之壻且練吾先人行事敢不告求僧孺實紀錄而臺  
寔書旣序而銘文曰 禮災秦漢於編紀存晉卑胡僭俎豆臊腥  
慕古惟唐求野據經公當博士綴緝搜尋三代之儀濟濟復興祇  
職六年區別嚴兢儒道克茲亦志武事 江錡反公寔郡吏掉棘

張空以出不防萬鳥周網血赫湖塘江南之功焯出有光鄒魯詔生因公張皇憂恭臚法奉守王度入郎出牧尹洛將潞茹剛撫弱銷別人蠹居不易第服不易初財分先族以儉遺孤恬於將終執筆自誌男良女淑既壽而貴謂之為人易此而何詩以備傳不刻磨不

宋李昉上柱國王公神道碑銘 皇宋之啟昌運二十有五年應運統天睿文英武大聖至明廣孝皇帝嗣

位之九載三行郊祀之次月故贈太子少師太原王公之孫祕書郎承錫齋列祖行狀哀訴於趙郡李昉曰伊我王父世稱哲人仕歷屢朝官登二品聳縉紳之重望留臺閣之懿範奄忽明代垂三十年雖馬鬣之墳已封於故里而龜趺之制未表於新阡慮陵谷之變更致聲塵之銷歇奉先之道是所闕焉願實錄其芳猷永垂名於終古昉辱蓬邱之見託感絳帳之舊恩屬文誠異於好詞頌德豈宜於多讓謹稽首抽毫而敘曰王氏之宗其來遠矣秉嶽山之秀異沐淮水之靈長或以儒雅稱或以門閥顯世濟其美代不乏賢挺生我公鬱為人瑞公諱仁裕字德輦其先太原人後世徙家秦隴今為天水之人也當童幼之年失怙恃之愛兒嫂所鞠至於成人唐季亂離關右斯甚俎豆之事蔑無聞焉既之師友之規但以暇遊為事二十有五略未知書因夢開腹沆腸復睹西江碎

甘肅新通志 卷九十 藝文志 銘 三

石皆有文字夢中取而吞之及覺心識開悟因慷慨自勵請受經於季父詩書一覽如有宿習凡諸義理洞究淵微下筆成章不加點竄歲餘著賦二十餘首甚得體物之妙繇是鄉里遠近悉推重之秦帥隴西公繼崇聞之以書幣禮辟為從事尋屬王氏僭竊奄有兩川隴石封疆遂成陰隔公因茲入蜀連佐大藩慙偽尚書禮部郎中中書舍人翰林學士蜀後主衍好文攻詩偏所親狎宴遊和答殆無虛日後主昏憒日甚政教大隳公屢陳讜言願盡忠節既割席以救難竟昇棺而納降蜀亡入朝授雄武軍節度判官系梓故里樽俎上列歸與之樂適我願兮職罷歸漢陽別墅有終焉之志著歸山集五百首以見其志無何南梁主帥王公思同以營知之故逼而起之密奏授興元節度判官不獲已而應命非其志也泊居守鑄京復參贊留務時岐帥路王據有堅城將圖義舉陰遣間使會兵於王公王公依違之間可否未決猶豫方甚召公謀之公曰事君盡忠事父盡孝之道奈何棄之王公勃然而起曰吾其効死於王室矣於是戮岐陽之使馳驛上奏忠規正論聞者義之俄而王師倒戈奉潞王為主王公果死於難雖寮吏悉羅其禍潞王下命軍中曰獲王某者無得殺遂生致於麾下潞王素聞公名喜見公面文翰之職一以委之公自陳曰府主渝盟臣所贊也請就鼎鑊速死為幸詞直色厲潞王壯之載以後車俾隨王輅教令詔誥咸出於手安慰京邑先行榜諭倚馬吮筆頃刻而成潞王

覽之大稱厥旨及卽帝位方將陞玉堂之深嚴備宣室之顧問旋爲近臣排斥出爲魏博支使改汴州觀察判官數月徵拜尙書都官郎中召入翰林充學士旌前勞也晉祥初啟以本官歸班稍遷左司郎中歷左諫議大夫給事中左散騎常侍晉室之季也權臣用事朝政多門旣荒歉以相仍復干戈之莫戢山河土地遂強據於諸侯禮樂征伐故不出於天子公痛紀綱之隳紊抗章疏以指陳屢叩天闈極言時事洪河方潰非捧土之能理大樹旣顛豈一繩之可制以至胡兵孔熾晉鼎尋移懷直道而無所施張覽遺疏而誠堪嗟歎漢高祖順三靈之聰命救四海之倒懸大寶纔登中原亟定有天下之踰月拜公尙書戶部侍郎永充學士承旨明年帶內署之職知貢舉制下之日時論翕然咸謂俊造之孤詣將得路矣舉罷轉戶部尙書承旨如故明年以疾解職授兵部尙書周太祖卽位進位太子少保尊名賢而寵舊德也以顯德三年七月十九日寢疾終於東京寶積坊私第享年七十有七輟朝賻贈悉從優禮詔贈太子少師卜其年八月一日權窆於開封縣持中村以大宋開寶四年三月十八日祕書力護神柩歸葬於秦州長道縣附於先塋成夙志也洋州錄事參軍諱約公之曾祖也成州軍事判官贈尙書屯田員外郎諱義甫公之皇祖也階州軍事判官贈太子傅諱實公之皇考也追封河南郡太夫人元氏公之皇妣也宏農郡楊氏公之前夫人也渤海郡夫人歐陽氏公之後夫人

甘肅新通志

卷九十

藝文志 銘

古

也並先公而沒秦州觀察推官仁溫秦州倉曹參軍仁魯公之二兄也成州軍事判官傅珪秦州長道縣令傅璞公之二子也適校書郎黨崇俊適殿中丞劉湘適河東薛昇公之三女也綿州西昌令全禧祕書郎永錫公之二孫也公秉天地和氣負文章大名信義著於交朋仁孝被於姻族閨門卒歲無聞詭訾之聲僮僕終身不知鞭撻之苦可以見其爲人也每遇良辰美景必攜生童命儔侶前管絃而後琴筑左筆硯而右壺觴怡怡然陶陶然曾不以家事爲意曠達高懷世無與比篇章賦詠尤是所長行路深閨無不諷誦妙於音律精於厯象又不可得而論矣昔公之掌貢闈也中進士第者凡二十有三人時則有故宮師相國王公溥今左議大夫判度支許公仲宣大司農李公暉俱振美名並昇殊級惟宮師王公迴高時望擢處首科五年之中位至宰相小子固陋亦預搜羅玉堂冠於詞臣黃閣陪於元輔逢時偶聖何幸會以踰涯卯化翼飛豈生成之可報其餘陟烏臺登雉省內遊諫署外佐侯府者皆一時之名士也平生所著秦亭篇錦江集入落記歸山集南行記東南行紫泥集華夷百題西江集共六百八十五卷又撰周易說卦驗三卷轉輪迴紋金鑑銘二十二樣詩賦圖並行於世著述之多留傳之廣近代以來樂天而已嗚呼位列三孤名聞四海享礪溪之壽考紹闕里之風猷高朗令終可謂全福然而生逢叔世莫偶盛時胸襟空賦於經綸生靈不受乎康濟非公之遺憾歟時

之不幸也防門關發迹邱嶽在身備位巖廊詎敢忘於所自垂文  
琬琰理不在於他人英魂凜凜以何歸夙卓離離而永茂灑涕揮  
翰謹作銘云 猗歟少師生秉靈氣二十有五方遊於藝流腸得  
夢吞石表異先聖之書一覽而記唐祥衰歇廣名播越四海亂離  
九州分裂禮樂奔壞文章斷絕若水無梁若舟無楫惟我少師鴻  
筆麗藻獨步當時綸言貢籍是掌是司精神領袖儒者著龜一代  
雄才七朝合譽步驟九流週翔三署以文駿位非爲不遇以德佐  
藩動有陰助誠順篤外溫潤積中行已以正事君惟忠謙讓是敦  
禮教是崇臺閣之中蕭然清風嗚呼明時不幸兮哲人云逝驚波  
不返兮令名誰繼有砥澗之壽兮無砥澗之位德空高於古人兮  
功不施於當世茫茫長夜兮古壘元堂離離宿草兮夜月寒霜任  
桑田之變海兮播休問之無疆雍熙三年歲次丙戌七月十六日  
建 范仲淹种世衡墓銘 君諱世衡字仲平國之勞臣也不幸云亡  
立 爲詳懼遺其善不可不從而書之初康定元年春夏人犯延安我  
師不利朝廷以保障衆多有分兵之患其間遠不足守者卽命罷  
之寇驕而貪益侵吾疆百姓被其毒君時爲大理丞任鄜州從事  
建言延安東北二百里有故窺州請因廢壘而興之以當寇衝左  
可致河東之粟右可固延安之勢北可圖銀夏之舊有是三利朝  
廷從之以君董役事君膽勇過人雖俯逼戎落曾不畏憚與兵民

甘肅新通志

卷九十

藝文志 銘

五

暴露數月且戰且城然處險無泉議不可守鑿地百有五十尺始  
至於石工徒拱手曰是不可井矣君曰過石而下將無泉耶爾攻  
其石屑而出之凡一畚償爾百錢工復致其力過石數重泉果沛  
發飲甘而不耗萬人歡呼曰神乎雖敵兵重圍吾無困渴之患矣  
用是復穿數井兵民馬牛皆大足自茲西陲保障患無泉者悉倣  
此大蒙利焉既而朝廷署故窺州爲青澗城授君內殿承制知城  
事復就遷供備庫副使旌其勞也塞下多屬羌向時將帥不能恩  
信羌皆持兩端君乃親入部落申勞問如家人意多所周給常自  
解佩帶與其賢豪可語者有得敵中事來告於我君方與客飲卽  
取坐中金器獎之屬羌愛服皆願効死青澗東北三舍而遠距無  
定河河之北有敵寨敵常濟河爲患君屢使屬羌擊之往必破走  
前後取首級數百牛羊萬計未嘗勞士卒也故功多而費寡建營  
田三千頃歲取其利募商賈使通其貨或先貸之本速其流轉歲  
時閒其息十倍乃建白凡城中芻糧錢幣暨軍需城守之具不煩  
外計一請自給愛養士卒病者遣一子視其湯餌常戒以笞責期  
於必瘳士卒無不感泣今翰林承旨王公堯臣安撫陝西言君治  
狀上悅降詔褒之曰邊臣若此朕復何憂二年就兼鄜延路駐泊  
兵馬都監制置本路糧草遷洛州副使慶歷二年春予按巡環州  
患屬羌之多而素不爲用與夏人等相助爲邊患乃召蕃官慕恩  
與諸族君長犒於城下與之衣物繒絲以悅其意又採忠順者增



銀帶馬紱以旌之然後論以好惡立約束而俾之遵向然悍猾之性久失其馭非智者處之慮復爲變時青澗旣完人可循守乃請於朝願易君理環朝廷方以青澗倚君又延帥上言人重其去命予更擇之予謂夏人日夜誘吾屬羌羌愛其類益以外向非斯人親之不能革其心朝廷始知其請君旣至環安邊之利病大要在屬羌難制懼合夏人爲暴發之患又地瘠穀貴屯師爲難聚糧則力屈損兵則勢危斯急病也君乃周行境內入屬羌聚落撫以恩意如青澗焉有牛家族首奴訛者倔強自處未嘗出見官長聞君之聲始來郊迎君戒曰吾詰朝行勞爾族奴訛曰諾是日大雪三尺左右曰此羌克詐嘗與高使君繼嵩挑戰又所處險惡大雪非可前君曰吾方與諸羌樹信其可失諸遂與士衆緣險而進奴訛初不之信復會大雪謂君必不來方坦卧帳中已至蹙而起之奴訛大驚曰我世居此山漢官無敢至者公了不疑我耶乃與族衆拜伏額手曰今而後惟父所使自是屬羌咸服於君有兀二族受夏戎僞署君遣人招之不聽卽使慕恩出兵誅之死者半歸者半盡以其地暨牛羊賞諸有功其僭受僞署如兀二族者百餘帳咸股慄請命納其所得文卷袍帶由是屬羌無復敢貳君戒諸族各置其烽火夏戎時來鈔掠則舉烽相告衆必介馬而待之破賊者數四涇原帥葛懷敏定川之敗戎馬入縱於渭予領慶州蕃漢兵往扼邠城又召君分援涇原君即時而赴羌兵從者數千人屬羌

甘肅新通志

卷九十

藝文志 銘

六

爲吾用自此始君曰羌兵旣可用矣乃復教土人習弧矢以佐官軍吏民有請某事辭某事者君咸使之射從其中否而與奪之坐過失者亦用此得贖吏農工商無不樂射焉由是緣邊諸城獨環不求增兵不煩益糧而武力自振夏戎聞屬羌不可誘土人皆善射烽火相望無日不備乃不復以環爲意前後經略使交薦君之才能朝廷益知可倚明年遷東染院使充環慶路兵馬鈐轄仍領環州西南古原州之疆有明珠滅臧康奴三種居屬羌之大素號強梗在原爲孽寢及於環撫之狠不我信伐之險不可入北有二川交通於夏戎朝廷患焉其二川之間有古細腰城復之可斷其交路又明年予爲宣撫使乃諭君與原守蔣偕共幹其事君久悉利病卽日起兵會偕於細腰使甲士晝夜築之夏戎固忌此城君遣人入敵中以計款之兵遂不至又召明珠等三族豪長犒撫之俾以禦寇彼旣出其不意又無外援因而服從君之謀也君處細腰月餘偏以苦寒城成而疾作慶曆五年正月七日甲子啟手足神志不亂享年六十一葬於京兆萬年縣之神和原君之先河南洛陽人也曾祖存啟河南壽安令祖仁詡京兆長安令贈太常博士父昭衍登進士第累贈職方員外郎季父放字明逸初隱於終南山君少孤依之服勤左右以力學稱明逸道高德純太宗朝再召以事親不起眞宗復加聘禮起拜左司諫直昭文館累遷尙書工部侍郎大中祥符五年君用工部磨得將作監主簿五遷至大

守中舍初監秦州太平監以母老求養又監京兆府渭橋君邛州  
惠民監知涇之保定京兆之武功涇陽三邑在武功毀淫祠崇夫  
子廟以來學者在涇陽有里胥王知謙者姦利事露逃之逼鄰禮  
乃出君曰送府則會恩益以長惡從所坐杖脊於縣庭而請待罪  
府君李公諸奏釋之自是豪黠莫不斂手其嫉惡如此又邑有三  
白渠比年浚疏用數邑力主者非其才而勞逸弗等功利日削君  
使勤惰齊其力故功倍貧富均其流故利廣至今民能言之歷通  
判鎮戎軍環鳳二州鳳之守王蒙正託章憲外姻以私干君復欲  
以賄汚君君正色不納蒙正大怨之乃使人諭王知謙訟君蒙正  
內爲之助獄成流賓州上親政量移汝州君之弟世材以一官讓  
君乃除孟州司馬龍圖閣直學士李公絃雪於朝授衛尉丞主隨  
州權酷又禮部尚書宋公綬工部侍郎狄公棐皆言君非辜改知  
虔州贛縣君辭得監京兆軍資庫以同鄜交辟改命署同州判官  
事又移鄜州因從軍延安乃有故寬州之請君少尚氣節昆弟有  
欲析其家者君推資產與之惟取季父圖書而已涖官能摘惡庇  
民青澗與環人皆畫君之像而享事之及終吏民暨屬羌豪長朝  
夕臨柩前者數日朝廷深惜之賜三子恩君娶劉氏封萬年縣君  
男八人長曰詒文雅純篤養志不仕有叔祖明逸之風次曰診誠  
將作監主簿曰詒同州澄城尉曰詒鄆社齋郎曰諤三班奉職皆  
有立新記詒三子尚幼一女適西頭供奉官田守政君在邊數年

甘肅新通志

卷九十

藝文志 銘

七

聚貨食教孤矢撫養士伍牢籠羌夷無賢不肖皆稱之又出奇以  
濟幾事嘗遺謀者入敵中凡半歲閒而羌誅握兵用事二三人謀  
者還言某謀得行會君已沒又天子方事懷來故其績不顯銘曰  
嗚呼神君出於賢門吾志必立吾力是陳甯以剛折果由直伸  
還自遼海試於塞垣權以從事意其出人捍羌之患又邊之民王  
夙夜乃職星霜厥身生則有涯死宜不泯邊俗祀之子子孫孫王

森王公儀神道碑銘

公岷州長道白石人生天聖元年二月己酉  
曾祖珪祖維嵩皆以令善稱鄉里父振尤傾

資待士以教諸子故諸子相繼而仕於朝遂累封官至司空而列  
三公之貴公即司空公之第六子也幼而穎秀不爲戲弄長而嚴  
整望之峭直曾未嘗戲以童子舉被召幼失怙恃傑然自立中慶  
歷六年詞科調官初掌京兆府典平縣之版籍府史以公少而易  
之嘗試以隱訟公即與奪無滯也府郭之民生產之厚薄貧富之  
次第久不能釐公定之遂得大均之法有婦人死而不明欲掩瘞  
而公視其髮親以手握而得巨釘人服其神明而死者無憾蓋始  
見其明辨不惑而無勢利之憚也自茲入仕沛披所蘊故所至有  
能名而薦者亦交於公上矣移河中之河西令河西居府城下庫  
有織帛之失陷者長吏訊主庫吏則曰府僚上下均有貸數獨河  
西令不預焉衆雖忌而上官嘉之其清節又見於河西也不惟心  
服于人名公亦多叩其所以爲治之術用梅公摯七人薦改著作

佐郎知鳳翔之岐山縣三府之縣皆繁邑也五陵豪俠之風習染猶在由公以東吏愛民之故不勞而政平訟理民到于今思之其後子舍有過其邑者亦懼呼喜曰王公之子也猶周人之思愛及甘棠其得民如此遷祕書丞就知渝州巴縣蠻族屢爲邊患舊每議事必嚴武備公至則一以常禮會於境上宣諭朝廷恩信夷心感服縣多大姓有杜生者擅置官刑笞撻僕隸至死而郡胥受賄不直其訟川陝風俗大率貧細無赴愬之地公先擒賊吏然後白守而推治之豪右斂迹非不畏強禦不克至是遷太常博士通判羅州賜緋衣銀魚州有白渠歲起利夫以治之且盜水爭競或擲瓦礫以害邑官或至殺傷以起大獄公董役其眾省丁萬計而後無水訟英宗皇帝入繼大統舊勞於外作其卽位庶政勵精遂用公爲御史推直官委決留獄多稱明允加屯田都官皆外郎也神廟登極再加職方員外郎遷屯田郎中出知商州州居山百貨叢委往時爲吏者或多年漁于下且圭田無藝公則一切蠲減之官吏亦縮手不敢取自邑至郡皆興學校轉都官郎中求領南都之御史臺改除知池州轉職方郎中知興元府會瀘南用師慎選守城廼以公知資州兼梓夔兩路兵馬事止造舟之役以息民力供饋不乏而下不知擾去有遺愛咸願建碑以記在民之德先是兵事委武臣以公之至迺復帶知遂州遷朝議大夫賜佩服金紫封清源縣開國男食邑三百室今上卽位加中散大夫除知涇州用

甘肅新通志

卷九十

藝文志 銘

六

大臣薦改夔州路轉運使施州辛則殺降累劾不就詔公按之得其情復疏以有邊功乞薄其罪朝廷從之繼請便郡得鳳翔府別撥繁劇庭無留訟加左中散夫夫上柱國還朝除知邠州未暮又移知涇州方議置帥遽以告老聞命未下而以元祐八年十二月二十二日甲子終於官舍享年七十九年三月十三日甲申葬於白石之西原從先司空之兆禮也先娶李氏觀察使士衡之猶子贈金城郡君次娶劉氏工部尚書渙之子贈和議郡君次娶李氏中散大夫舜卿之子今封隴西郡君男子七人嘉禮雄州防禦判官嘉謨通直郎嘉猷宣德郎嘉錫太廟齋郎嘉問嘉言嘉瑞皆假丞事郎女子四人長適陳義郎司馬元次適進士黃本道次適丙殿承制姚宏次適蘄州法曹李敏思孫男八人儔假承務郎燾壽宗壽知常三尚幼孫女十人長適主簿張溶餘皆在室王氏世姓最著散之天下而公家世以貴高於西方西方稟金氣之義人多尚武而公家伯仲以文顯於朝廷非積行之後何以蕃衍盛大至公而顯耀門戶如此其光實公識明而濟之以學性厚而充之以仁忠於國而孝於家利於人而愛於物其持身也以儉其行己也以恭其勤足以幹事其清足以勵俗然且不競不絀孤直少與雖服賜三易勳業燦然莫非按資循格而恬無躐等之榮故盤桓郡寄爲一路使而已復請麾無力小任重之虞有器博近用之歎此又樂天知命難進易退之高風也所以夙夜在公施設措注者

詎可一二爲公道亦見於誌銘者此不復書初公爲商州方朝廷  
患天下之事承平歲久有偏而不起之處慨然思欲振起而鼎新  
之迺專用儒術曠然大變首差役之議推散歛之術使者相望交  
於道路責在郡縣專奉新法公於是時不比不異救偏補敝歸於  
中道而已森亦方以屬邑主簿事公而屢委之以數邑之法故一  
薦之又薦之實受知於門下者爲最厚暨公捐涇州之館舍諸孤  
以書抵余曰先子平生事業君知之爲詳不孝無以答昊天願假  
忱詞以垂不朽余旣復書以慰且勉之曰古人云孝子之親歿當  
求仁者之粟以祀之夫祀時思也尙求粟於仁者况顯揚先烈刻  
之堅石不求諸當世聞人則何以昭示前烈取信後世重爲先府  
君羞敢以固辭又書見諉且遣其昆弟以來曰當世前古固有各  
聞之士載于論譏然聞諸禮曰無善而稱之是誣也欲昭示先烈  
取信後世無愧泉下則當求知者以記其實今以雄州防禦推官  
郭拱狀其行事編次本末不敢以片言隻字厚誣我先子且於格  
得之君盍許我乎義不獲避則應之曰諾遂序其本事表于隧而  
銘之曰有宋達德君子王公諱公儀字子嚴之碑 銘曰惟西山  
之鎮兮其山曰岷惟少皞之氣兮是爲蕭辰惟金神則義兮俗尙  
多武惟王氏之子兮家聲富文惟司空之教兮能大其後惟上柱  
之生兮克材以秀第循良之效兮著見於有勇之仁無懸歎之聲  
兮有愷悌之在民我政兮如神我澤兮如春道之遠兮任之宜重

甘肅新通志

卷九

藝文志 銘

九

器之博兮止于近用爲上以德兮爲下以恩不在其身兮或在子  
孫岷之山兮峻極於天岷之水兮淵泉如淵豐碑道傍兮願記歲  
年天淵可平兮 胡世將開府儀同三司贈少師吳玠墓誌 紹興九  
名不愧乎永傳

紹興九年春三

月開府儀同三司吳公以寢疾奏乞謝事天子惻然憂之命四川  
安撫制置使成都守臣世將訪善醫治疾又馳國醫往視公以六  
月己巳薨於軍享年四十有七七月遣表聞上震悼輟朝二日贈  
公少師凡恤典悉加厚其弟璘與諸孤奉喪歸葬於德順軍水洛  
城北原先塋之次十一月上念公之已葬詔有司賜錢三十萬擢  
璘繼龍神衛四廂都指揮使以慰卹其家恩義備矣蓋自天下用  
兵乘輿省康吳會公以偏師起西鄙奮孤忠抑大難保川陝共百  
十六州以重上流之勢屏翰王室屹如長城方敵國深侵叛臣僭  
竊道路阻絕公未嘗得一見天子獨其精忠上達聖主明見萬里  
之外謂公可屬大事當方面凡軍事不從中御而賞罰付之不疑  
以卒成卻敵固圉之功者惟天子之明而公之忠也諸孤以行狀  
來請謹序而銘之吳氏出秦伯之後以國爲姓自季札避位其子  
孫家魯衛之間厥後散處四方雖諱諱遺逸不可盡考而起守西  
河芮國長沙漠封廣平皆本德義尙忠實爲世良將而公天挺英  
奇崛起數千載之後赫然功名與之俱盛迹其流風餘烈蓋有自  
焉公會祖諱謙贈太子太保李氏永甯郡夫人公考諱展贈少保

劉氏嘉國夫人自少保而上世居德順以公貴追榮三世公諱玠字晉卿少沈毅有志節善騎射知兵法讀書能通大義未冠以良家子隸涇原軍政和中夏人犯邊力戰有功補進義副尉稍擢隊將從討浙西賊方臘破其衆擒酋長一人及擊破河北羣盜累功轉忠訓郎權涇原第十將夏人攻懷德軍公以百餘騎突擊追北斬首級百四十有六轉秉義郎擢本路第二副將自是威名益震建炎二年金人內侵已三載矣渡河出大慶關略秦雍所過城邑輒下自鞏州至鳳翔隴右都護張巖邀戰失利敵勢愈張謀取涇州大將曲端拒守麻務鎮命公爲前鋒公進據青谿嶺逆擊大破之敵始有憚公意轉武義郎權涇原路兵馬都監兼知德順軍冬以本道軍復華州師入命將無殺略居民安堵轉武功大夫忠州刺史三年冬劇賊史斌寇興鳳據長安謀爲不軌公執斬之轉右武大夫四年春擢涇原路馬步軍副總管金人謀取環慶大將婁室以兵數衆出麻務鎮公與戰於彭店原士殊死關殺傷過半敵引去而曲端劾公違節制坐降武顯大夫罷總管論者不平未幾復故官職改秦鳳路馬步軍副總管鳳翔府兼權永興軍路經略安撫司公進復長安轉右武大夫忠州防禦使宣撫處置司將合五路兵與金人決戰公謂宜各守要害以待其敵秋九月師次富平都統制會諸將議戰公又曰兵以利動今地勢不利何以戰宜據高阜先爲不可勝者衆曰我師數倍又前葦澤非敵騎所宜不

# 甘肅新通志

## 卷九

藝文志 銘

三

聽旣而敵驟至囊土踰淖以薄吾營軍遂大潰而五路悉陷巴蜀大震公獨整衆保散關之東和尚原積粟給兵列柵其上或謂公宜屯漢中以安巴蜀公曰敵不可破我不敢進堅壁重兵以臨之彼懼吾躡其後保蜀之道也明年改元紹興春三月敵將沒立果率銳兵犯我期必取而後進公擊敗之拜忠州防禦使兼帥涇原夏五月沒立復會烏魯折合衆數萬使大將由階成出散關先至公與之大戰三日大敗而去沒立方攻箭箬關公復遣擊退卒不得與二將合轉明州觀察使丁嘉國憂起復尋兼陝西諸路都統制敵自破契丹以來狃於常勝至每與公戰輒敗不勝其憤冬十月元帥四太子者會諸路兵十餘萬造浮梁跨渭水自寶雞連營三十里又壘石爲城夾澗水與官軍對拒公指授諸將選勁弓弩號駐隊番休迭射矢發如雨敵稍卻則以奇兵旁擊如是三日度其困且走則爲伏於神岔以待其歸伏發敵衆大亂俘其將羊哥李堇及酋領三百餘人甲士五百六十人屍填谷二十餘里獲鎧仗數萬拜鎮西節度使二年兼宣撫處置使司都統節制興文龍州敵久窺蜀必欲以奇取之三年春哀其兵又盡發五路叛卒聲言東去反自商於出漢陰擣梁洋金州失守公亟率麾下倍道疾馳且調兵利闔旣至適與敵遇使人以黃柑遺其帥撒离喝驚曰吳公來何速耶遂大戰饒風關凡六日敵皆敗殺傷不可勝計撒离喝怒斬其千戶李堇數人以死犯關出官軍後公徐結陣趨西

縣或曰蜀危矣公曰敵去國遠鬪而死傷大半吾方全師以制蜀何憂耶月餘敵果退加檢校少保充利州路階成鳳州制置使四年二月敵復大入犯仙人關公豫爲壘榜曰殺金坪戮兵以待敵據阜戰且攻壘公命將士更射又出銳兵擊其左右戰五日皆捷敵復遁去上聞之嘉歎賜以親札曰朕恨不撫卿背也是役也敵決意入蜀自元帥以下皆盡室以來又以劉豫腹心爲四川招撫使既不得志度公終不可倖勝則還據鳳翔授甲士田爲久留計自是不復輕動矣夏四月徙鎮定國徐州陝西宣撫副使秋七月錄仙人關功進檢校少師奉甯保靜軍節度使五年春攻下秦州六年兼營田大使徙鎮保平靜難軍公與敵對壘十載常慮遠餉勞民屢汰冗員節浮費歲益屯田至十萬斛又調兵命梁洋守將治褒城廢堰廣溉民田復業者數萬家朝廷嘉之每降璽書褒諭七年冬敵廢劉豫且益兵衆以爲疑公策其將去九年春和議成上以其功高復賜親札進開府儀同三司遷四川宣撫使遣內侍齋詣賜公以病甚扶掖聽命自以賞過其勞固辭優詔不許時輿地既復方倚緩附而疾不可爲矣公娶張氏封永甯郡夫人男五拱右武郎扶滄皆承奉郎擴摠尙幼女四人公能樂善每觀史前事可師者必書而識之左右用兵本孫吳而能知其變務遠大不求近效故能保其必勝御下嚴而有恩視卒之休戚如己而同其甘苦故人樂爲之用既貴而自奉之約不逾平時至推以予士則

甘肅新通志

卷九十

藝文志 銘

三

不少吝散家無貲而至無宅以居嗚呼雖古名將何加焉

明盛以宏鉛山王繼妃楊氏墓誌銘

妃姓楊氏鉛山恭莊王聘爲繼

諸於父母欲入府帟不許則自縊屢解不得縊則潛入黃河濱追持不得溺則數日絕粒父母乃勉強從之入府妃拊王極痛哭乞留曰父母業以兒許王不得殉王地下則願稱未亡人以撫成其孤父母泣喻以未婚與鉛山之貧窘令姑姊族姻百方譬阻之其志益堅不得已聽留苦次妃謝鉛華衣布茹蔬躬司啟閉辦烝嘗闡以內謚如肅如閒剖決府內事未嘗不中款於是閭閻皆受約束而妃日以撫孤爲己任廬心於飲食衣被省護無跬步少置既長令就外傳親考課業當恭莊王薨時嗣子方五歲賴妃以成立上聞其苦節特破例命封爲鉛山王繼妃鉛山府貧嗣子少報生請名之典旣缺令甲不得嗣封妃力請於肅王王憫之爲轉奏請上亦以其節故特准嗣子紹封嗣踰年婚禮成嗣王妃亦得冊命妃且喜且悲曰我幽憂甘荼者十六年往矣凡爲王嗣計耳今幸以徽節徹天貺得號繼妃兒封兒婚畢吾夙志踰年適歲三十可以報先王於地下矣左右訝其言勸止之明年甲寅九月二十六日果卒妃若預知云計聞上命照例給祭葬仍加祭一壇以旌其節蓋至是而妃之貞操昭然播於天潢中而聖明惇尙風化至意

亦曉然傳播於天下奇節懿典交相輝耀爲熙時一麻踪曷可以無紀勒哉妃父名桐母羅氏蘭州人也初生時有光如月照四壁母病泣涕禱神願身代之在府中日製女工貨於市以供費嗣王婚罄簪珥資之嗣王閒進華美服飾堅卻不受曰兒貫貸辦此余何心能著諸窮嗣王名紳調卜於某年月日耐葬妃於恭莊王之墓銘曰 未耦也惇節倍耦未子也惇節是子嚮然堅貞孚藩府而上動手宸辰命號恩都以暨王封之績用溢常埃天下歎完操特旌而因灼然知聖皇重綱常之旨吁嗟乎其節震耀夫終始

### 國朝江鯤烈婦楊氏墓碑銘

烈婦楊氏鎮番民家女也年十八于歸縣

十馮承明冀漁色之每媒以語弗聽偶以食弗受一月之閒誘惑多端氏已誓有死志矣會以兄來告之故勸以少待早完工他逝越月中元後三日承明乘高在田求淫氏正色力拒終不可犯承明遂遁去夫歸羞語涕泣啼噓詎聲息已聞於明嫂韓氏韓子大連知其事以爲我強於叔遂於二十日窺氏獨處踰垣而入氏適晚炊力抵甫脫大連以氏聲揚一手塞口一手釋裙氏且拚且罵大連頓萌殺機拾堅土投之中其左脇倒地殞命大連懼禍及舉屍作自經狀而外鍵其門是氏靈之不昧也迺猶自謂得計趨田閒召高給以入室尋物望見並語踰垣及門鍵狀高不察信爲傭主主利集多人并通氏兄賄乞和高寢其事氏兄玉章告之姑湯

## 甘肅新通志

### 卷九十

藝文志 銘

三

同懃於縣大連走匿余反復研訊承明但服罪不知傷痕之所自也予思大連潛跡可疑拘而詰之至兩晝夜始得其實告之上官令發棺視屍顏色如生傷痕顯著免檢大連亦泥首無辭踰年審訖伏罪憲府以強暴相侵甯死不辱聞於 朝得 旌准入節孝祠乾隆十六年七月十六日鼓吹彩仗鄉之紳士耆老送氏於祠余率拜奠焉以爲風化之勸先是高請移葬高原余於縣之西南擇土而坵樹碑而銘之曰 哀哉少孀行芳志烈勉隨夫備謹持素節力拒二寇甯死不屈貧而有躬堅經百折泥坯茅索覆盆以雪中幃鬢眉永懷純潔今卷 旨

### 何德新高節婦墓誌銘

節婦姓楊氏鎮

番編氓之息也字同邑高氏子年二九于歸操勤井日頗克婦道里有渠戶馮承明者闕氏少艾意將漁之爰覓傭作氏夫以貧窶無聊借氏旣傭於馮時戊辰春末氏年纔二十也馮乘高出作屢以媒語挑氏氏輒莊顏以拒如是已非一日矣其未殉之先氏兄過存氏泣語故且言將借傭去此否則無生還也兄爲慰喻再四乃去迨至夏申馮以禾稼將登慮有竊損遣高出守蓋陽爲防守計實欲伺閒圖氏耳及時值麥秋高穫於田馮遂潛入氏室復爲甘言調之氏遽大聲以斥馮懼而逃詎意馮姪名大連者壁聽而知因萌邪乘隙踰垣過氏強以相干氏固堅貞自抱力拒狂且而大連情暴方張即拾塊擊中要害遂殞命復懼罪及乃以繩繫氏

項示若自經意在嫁禍於承明也逮經縣理廉得情實二克服辜分別成讞而邑侯江君以氏節堪矜即捐俸扞葬於城西之隴且爲文勒石以紀其事上憲疏請於 朝於辛未秋七月十六日欽奉 恩旨 旌顯幽潛而克犯馮大連即於是日斬決馮承明亦擬流發遣嗚呼氏於今日乃可以報貧窶無聊之夫子矣若古所稱斷臂投崖者於氏亦何讓哉邊隅得此亦可以風矣 銘曰天山雪氏方潔渠水清氏比貞山之陽蘇中郎水之西金日邵齊肅禪山水鍾靈昭史冊節婦於中隆兆宅文章千古垂金石

**章烈婦碣銘**

孺人姓章氏諱孔榮陝西秦安人年十五嫁張廷桂爲後妻廷桂者字相如江南常熟人父瀾陝西蒲城

縣知縣康熙四十五年卒官初蒲城君與同邑魏士升友善嘗爲廷桂聘其女蒲城君卒數年而士升知秦安縣廷桂往依焉踰年所聘士升女夭又五年士升行取改京秩從至京師士升尋沒遂歸娶同邑錢漢昭女爲妻生一女而妻卒雍正中廷桂避事復之秦安因爲章士贊壻居八年與孺人情好甚篤頃之孺人父母相繼卒廷桂事行解乃與孺人歸常熟廷桂貧旣歸無居舍孺人盡鬻粧具得百餘金僦屋三間居之恨不逮奉養享祀必潔及嫁前妻所生女備有恩紀夫或遠出自以盛年單露常懸劍帳側以擬倉卒生二子俱殤最後生一女名催鳳會廷桂故人今安西道錢鋈知撫甯縣請廷桂管記乾隆九年十二月廷桂病沒撫甯明年

甘肅新通志

卷九十

藝文志 銘

三

二月訃至孺人哀慟殞絕柩歸與錢氏合葬縣西門外烏目墩旣窆孺人欲投穴中家人共持止之孺人旣無子獨與幼女單居家亦因夫從弟廷梅許侯有子後兄孺人乃鬻其居得錢買田十餘畝自給而依廷梅居焉閉戶繼作所處雖淺隘鄰婦罕見其面夫先入質戶部牒授主簿夫沒或購其牒覲以冒銓孺人曰吾以貧故鬻牒欺罔國家罪也况夫名可使有二耶立焚其牒十二年五月服除奠畢闔戶自縊家人覺解之防守甚至次日旣夕守者稍倦潛至水側抱夫畫像置岸上自沈死比曉家人始知之見屍面夫畫像端坐不動時按察副使孝感程公光鉅聞之立往率屬設祭親拜其屍上其狀請旌於 朝報可初孺人嫁時不知書廷桂時時教之久遂通解略涉傳記將沒作絕命詩辭數章詞旨哀惻又留書與夫諸從弟曰初聞訃即欲死念夫無後無人喪葬今日服除一死更無別事前議侯叔生子爲夫立後勿誑我無後孤魂但家事空空無可如何止有田十四畝可將十畝與所嗣子四畝與鳳女我死棺不可多費我心不安有許氏屋價十金乞將我埋先夫塋次愚嫂章孔榮手留孺人卒時年三十四催鳳始七歲明年亦夭夫諸從弟日益貧所遺田盡廢竟以子姓凋少未立後廷桂有老僕數嘗營葬孺人不果乾隆三十一年三月二十八日邑諸生柏渭吳慶長等始葬孺人廷桂墓中因共立碣表墓來請余文余與廷桂交舊又多諸君之義會忝舊史敢闕其辭乃爲銘曰



有婉淑姿生彼陝郭萬里違鄉自秦來吳甘窮食貧徇夫沈軀  
薦服薦醕烏頭表閩歷載二十葬從其夫垂風列女刻銘山隅山  
壤有朽芳 吳省欽大理寺左少卿崇祀鄉賢對溪何公墓道碑記  
名不渝

乾隆三十六年冬崇祀陝西文縣鄉賢大理寺左少卿何公之叔  
子渾以辛巳進士除廣東從化縣令將行介富陽董中允來謁曰  
先大夫之歿也有行狀有墓志有傳雖然嘗乞傳於太僕陳先生  
兆崙業許我而未就也今先生已矣願以屬吾子余惟古人不輕  
傳人又國史三品以下例無傳為私傳不若表墓乃以文塞其請  
按公諱宗韓字桐藩一字對溪以廩膳生舉康熙戊子鄉試雍正  
甲辰成進士授禮部主事明年補與制司主事又明年充山西副  
考官又明年遷祠祭司員外郎除江南分巡鳳廬道按察司僉事  
入為刑部福建司郎中旋擢大理寺左少卿予告歸此公出處崖  
槩也進士今釋褐為主事者需在部習掌故第隨人畫諾無可否  
三年後予真其能者始判贖時此格未著值重修會典自朝會郊  
廟壇壝至鄉會歲科試諸條制皆公釐請增定冊庫失金冊一鑄  
印局大使逮繫同官引罪請劾公抗言舍盜不問即誅大使何益  
請會咨提督九門勒番後緝之已而果獲盜堂上官益器重公有  
欲舉公牧令以應 詔者大宗伯蔚州李公持不可曰是豈百里  
才耶少宗伯江都唐公謂公賢能最著 召對稱旨面諭除分巡

# 甘肅新通志

## 卷九十

藝文志 銘

五

鳳廬道僉事巡道治鳳陽督關稅口數十處官吏部藪為利苛  
覈毛髮公務持大體處膏不潤正羨悉貯之官又以養廉額未定  
首請歲支二千金而絕所部供餽朱家口海水決入安河壞泗虹  
田舍闕月餘州牧言濶出地七千四百頃河臣言新淤湖田九千  
三百頃可起額佐河費公將以去就爭而太恭人訃至 詔在任  
守制假四月治喪事竣蒞官力陳泗民之苦有重糧既報淤而又  
報濶者也有賄糧本未濶而報濶者也夫一地二糧與無地有糧  
民弗堪也淤則淤濶則濶所不用命者有如水於是按圖冊審濶  
勢於安河兩岸每里封一大墩以碑記每戶封一小墩以旗記得  
地一千二百七十頃而向之詭報者十七八皆烏有故大學士尹  
文端公時撫江蘇以勘挑宿淤地邀公問狀輒太息以為賢然公  
猶以瀕水地滄濶不常為念歸田後恭遇今 天子特免泗虹淤  
地錢糧見邸報感泣如身受也嘗奉檄查大平府及泗滁和三州  
逋賦分民欠官侵吏蝕為三等以別償免鳳陽飢撥賑米未至發  
倉粟便宜應之河南大水飢民就食江淮閒者日數百千人公率  
屬為粥以食或留養或資送贖其已責之小口甚夥資送者日限  
程四十里壅滯不得前迺令倍行者予二日糧官民便之所全活  
無算六安毫頓閒故藪盜公以淮水自豫入潁至盱眙老子山入  
洪澤湖迤邐千餘里致疏防援遂創議置哨船增營汛其要害置  
文武員弁駐之裁道役及所屬蠹役千人曰此盜媒也驅歸農可

矣於廬濬金斗河於宿引城北小河與滄灘二水通又鑿桃溝燕  
子口以洩蕭徐永城之水於英山請折漕價以甦難運又言虹縣  
小河淤淺水發輒成巨浸疏小河以分洩于淮疏舊溝以全洩于  
汴則虹不受水而靈壁兼受其利事雖格不行而公之心則已瘁  
矣文縣自前明王侍御繼禮以甲科起家後二百餘年至公而始  
賜進士釋褐甫四載即歷監司顧性樸愿少結納又任事已銳不  
求合上官其奉命入覲也上官特以部民籲留故爲紆半載限  
既官西曹上垂問淮南治狀公臚實以對上顧廷臣曰鳳廬  
號難治何宗韓在官六年實心整頓而人反議其短長何也尋以  
甘肅普緡地丁錢糧率衆表謝上曰陝甘竟無大僚即何宗韓  
可用遂擢少廷尉大司馬彭某以事置議或欲甚其罪公徐曰罪  
不至甚甚則不平入人罪以媚人不可其長卒上之 上弗以爲  
是而公屢沐異數二年中從耕藉扈 駕上 陵侍經筵又請分  
州縣察佐駐要地請裁各關試用官以清權政請罷六曹委署官  
以重職守皆得旨允行人謂上將大用公會足疾乞歸歸而  
不復起嗚呼豈非命歟公十二歲試輒冠童子科旋喪父每作文  
長慟獻總帳前守部日以太恭人春秋高家貧將乞歸侍而淮南  
之命下遣長君歸爲迎養計并盡室以行憚暑瘁佳秋發板輿  
而太恭人疾遽作每語及銜恤若初喪足未嘗輕出城市過其廬  
淵然惟吟誦聲人有不善惟恐聞於公爲相語曰不畏王公怒但

# 甘肅新通志

## 卷九十

藝文志 銘

三

畏何公知王蓋時宰也其學以忠恕爲主著弟子錄者先後數百  
人必先以行誼相激厲乞休後置義田廣族葬焚貸券倡修 文  
廟及陰平橋人或以是矜式公而不知公學問之本與夫大節所  
存爲不可沒也公所著族譜若干卷敦仁堂集若干卷以康熙十  
七年九月十四日生乾隆九年五月初三日卒乾隆十二年十一  
月初十日葬文臺西北阡先世常熟人明洪武初孟文公始遷秦  
八傳而至呈圖是爲公會祖祖道亨邑諸生父帝錫扶風縣教諭  
其在太學時與長洲韓文懿公友善母陶太恭人配歐陽恭人公  
計偕後代公事太恭人以終有孝稱後公三年卒子三長溥雍正  
丙午舉人終江西臨川縣知縣次濬邑庠生次即渾女二一適歲  
貢生張少青一適舉人靖遠縣教諭尤玉瑩孫五汝楫汝梁汝抗  
汝枋汝權曾孫四烈然熙燾予竊按公之遭逢與其行誼庶可以  
不朽惜生晚不見公觀從化君之肫然郵然既葬二十餘年而不  
忘其親嗚呼其亦足以知公之教矣文其碑蓋猶是令甲云爾

### 吳鎮文母陳孺人墓志銘

庠生文汝箴葬其母陳孺人逾一紀矣  
近乃磨藁墓石而求余志及銘且曰先

孺人苦節凡不肖怍怍於中者他人莫能言也願及公尙健而慰  
亡母於重泉余感而諾之因志其大畧焉孺人系出名門夙矧嫗  
教甫及笄適文翁牧庵必謙鹿車旣挽相敬如賓而孝事雙親尤  
能盡禮後牧庵捐館時孺人年三十六矣而孤子銘方小弱即汝

箴餘二幼女及家中數口皆嗷嗷待哺其勢孔棘孺人則健持門戶左支右絀凡其殯葬舅姑而婚嫁子女者靡不周至然艱難亦備恩矣既而汝箴遵母訓讀書遊泮親友議爲孺人具呈請旌第以寡居時年過三旬格於例不果然至今鄉里率皆稱文節婦云嗟乎士君子砥行立名尙有早暮况巾幗乎夫伯姬待姆於衰年敬姜論勞於晚歲古賢媛之卓然不朽者祇取其德耳才耳苦節耳有功於宗祏後嗣耳豈必盡桃李之芳春然後標松筠之勁節哉孺人卒年七十三歲計柏舟矢志者後二十七年汝箴後膺鄉飲俱賓孫國幹州庠生嘗從予遊以某年月日葬孺人於北郊祖塋銘曰北郊之塚草離離上有疏桐挺孫枝孤鶻吟兮我心悲

上營任氏始祖墓志銘

北距州城九十里村落焉襟空同而帶好水是曰上營上營者蓋明代蘭衛兵屯

之所今改歸狄道化壁壘而爲桑麻其景象非復昔矣營宅幽而面阻土著者約數百餘家而任姓之後人實居其半往者經歷任君公輔及其弟太學生佐輔皆予友也每言其始祖墓在大墟欲求爲誌而予馳逐宦場雖許之而未就迄今中心抱歉者計三十年會今年六月有八世孫永歌正詣正山玉富暨九世孫楨杞桂等始能展墓礮石余乃爲之誌蓋舉三百年之荒榛宿草一旦而廓清之且先河後海原委了然從此佳城鬱鬱過大墟者皆知爲任氏之首邱矣而子孫拜埽倍切瞻依其有功於先人後裔非淺

甘肅新通志

卷九十

藝文志 銘

美

鮮也惜乎始祖以下皆名字弗詳今可指者惟是昭穆之五代伯仲之七支而已銘曰柳林之谷好水洋洋居人繡錯廬舍相望

上營大墟任氏發祥魚鱗塚族馬鬣封長蟬聯五世蔓衍七房杜貞瓊既立奕葉彌昌彥升窻窻乃近東陽千秋此地金石流光杜

鳳山墓表

積石爲九曲之橐籥鍾靈毓秀代出偉人明莊毅王公之後參議朱公名家仕者以忠烈死闖難具載明史夫

未公身膺爵秩以死勤事分所宜然至於苜蓿寒儒身未之官而別號也少而好學遊泮後旋食餼後以歲薦至乾隆辛丑五月部選南鄭縣訓導而君已於三月二十一日遇難而死嗚呼痛哉蓋循化逆回猖亂猝至河州士民多號泣登陣從官守禦旣而以衆寡不敵兼黑夜霧雨交作城遂陷時走避者皆免而君獨具衣冠訣妻子端坐家中賊至大罵不屈遂身被三槍而死君誠烈丈夫哉往余作令山東壽張之亂凡紳士死節者悉蒙褒贈今鳳山之忠義豈有殊乎而州府申司爲新督李閣部所抑惜哉然寒儒臨難致身而忠感膠庠義留桑梓君亦可以無憾矣時同日死賊者有廩生宋廣文朱文遠新生呂紹晉君之後進而爲知州周公司城上稿士之錢糧者君死數年後子登瀛始礮墓石余因爲記其大畧庶君之赫赫大節與李蘊華馬提督墓銘公姓馬氏諱維衍積石名山並傳不朽焉

州人世以回籍居浙江前明中葉有官指揮者始遷於此而以武功承其家祖自善隨征西藏著戰績父成入楚蜀軍薦官循化參將以公貴均晉振威將軍公幼魁偉有膂力銳志武科弓馬刀石悉擅勝場而箭法命中尤有奇能蓋所謂貫甲穿楊技也年甫弱冠選邑庠以嘉慶丙子領鄉薦丁丑戎闈登進士 皇上臨軒校射選其材藝 賜榜眼及第花翎侍衛 乾清門行走時大學士松公協辦大學士王公以驍健樸誠丞相引重擢山西撫標中軍參將權太原鎮總兵會趙城流犯亂作中丞鄂公以兵事倚任之公督師赴敵痛剿兜攻旬日就平犯首歸順趙城之民歌頌載道為建生祠以祀由是威名所播赫然大行蒲坂開矣旋以父憂去官服既闋入 覲授浙江樂清副將海疆衝要洋舶往來絡繹不絕奉 特旨鎮守防範適暎吉利來侵公整隊嚴肅梭緝無停晷喚人懾其先聲未敢騷動遂轉攻定海鎮海各處微公之力樂清一隅其美以安堵無恐乎迺 簡放處州鎮總兵調湖北鄖陽鎮總兵道光丙午春 詔授湖北全省提督次年丁未三月朔日卒於穀城春秋六十有一無有遠邇莫不銜哀蓋公之德澤及於人者深且至也方公在太原時其封翁與其太夫人猶稱鬻鏹公迎養於署克循子職而杖必扶饌必嘗藥品必親奉玩好必先旨尤非尋常等倫所能企及太夫人鍾愛少子維蕃公曲意友睦怡怡藹藹不使有違詞此所謂養志而非以養口體者也若夫創築營

甘肅新通志

卷九十

藝文志 銘

三

壘完葺祠寺慷慨好施則猶其末行焉耳嗚呼吾人以藐然之躬中處天地惟忠孝兩大端有以自立於不朽今公之治軍也一鼓撲滅毋使蔓延而異域之師望風而退君子曰忠矣公之治家也百行之原躬承色笑而闢牆之漸舉世弗聞君子曰孝矣嗚呼公亦人傑也哉茲以月日將卜葬於城之西郊其弟維蕃乞為納幽之文蘊華因紀其實而系以銘其詞曰 維公降靈象緯秀孕嶺尚豪詰繼起修髯偉躬射鷹揚上選卓然元戎恆岳雲紫越海波紅帝嘉乃績裘馬琚弓門承通德入孝出忠蕭關鬢嶺華胄崇隆騎箕去矣儔步英風寒陵片石 會甯縣志徐烈女碑銘并序 會莫罄厥功吾銘不渝質之太空 麓有碣刻曰楚烈女徐蘭英之墓康熙二十九年七月立也故老口傳前邑令徐文瓚女蓋去今百四十載矣則未知其果文瓚女歟抑非歟以其年考之不甚相遠而文瓚江南興化人也興化故戰國楚地意者其不妄歟禍不具事實本末則未知女所許字誰氏子也夫亡不更適婦曰節女曰貞彊死曰烈則未知女之死孰赴歟抑別有繇歟就死不一或到或絳或湛或仰藥則未知女之死奚為者也然而會人不擇耄穉男婦莫不動色瞪眙曰烈女也過墓必肅拜太息然後去則瑰志琦行膠結乎人心為已至矣其初烈蹟必昭著顯白惜無有紀述之者故久而失其詳歟天敘民彝終古不泯求其迹而不得則相與咨嗟攀慕益流連而不能置

亦其理然歟事之詳不詳不足為烈女損益也道光己亥某來宰是邑士民競請銘烈女明年以碑具告速文益勤某按今制五品以上始立碑烈女無官封輒碑之者天爵之貴與人爵殊且用古饒娥高愍女例也銘曰 天有顯道白日昭兮迴薄萬古罔燦銷兮彼姝者子矯申椒兮遺世獨立嗣以遼兮委茲恆幹渺秋毫兮惟竹有筠節共超兮惟山有雲心並高兮蓬顯蔽冢芳風翺兮則靈衛呵逐鼯猱兮洪陽縮項鮒龔跳兮騰 汪烈婦碑并序 臨川光千祀激醜澆兮瑑詞貞石怒爾切兮 汪烈婦碑徐侯敬有政才治會甯二年百廢具舉慕徐烈女事求所以表之者人曰縣靡北有木坊剝蝕漫漶已久徐女坊也侯遂命工滌出之題字故具可辨識乃康熙丁巳為前典史汪婦陳氏建者于是父老識舊事者曰是殆邁吳逆之變抗賊不屈者也考之志乘良信侯益喜修整丹腹燦乎復完未幾侯遷去某代視事邑賢者周君西範來語某某喟然曰古者聖賢立教肇自閨門貞潔之性奇烈之行詩書之遺澤國家之元氣也賢士大夫襄揚而旌異之以厲節操敷治化敦風俗也豈偏有所向哉當烈婦之遺變也城破家亡白刃麻列自非禮義純熟素積生平胡能氣充神定引決於千百禦偷磨牙喋血之中從容鎮靜如此彼其死蓋死義非死名也安計人之知不知哉今幸而知且旌且坊矣百十年間沿習傳訛屬諸他氏然是固公共之道歸於垂世翼教而已魂而有知必坦坦無所

甘肅新通志

卷九十

藝文志 銘

三

恨徐侯即拂拭重題自盡其所當為耳會何加於烈婦毫末哉雖彼徐烈女之心亦若是則已矣烏虞徐女名滿人口而實蹟或湮沒無所考汪婦本末詳載邑志又或逾久而名漸微此亦懷古者所深惜志士所浩歎也侯以求徐烈女之故無意得汪遂復章徽鏗耀震蕩耳目事固有中晦而卒顯者殆有數存乎其間歟雖然三才之所以立萬化之所以行惟此剛大中正之氣維持不做烈婦之所為足以激霜雪而薄星辰與古貞臣孝子並立無二上天之所以覺世牖民扶植綱常者端在乎是故死者雖不必以此自見而幽光潛德決不終闕特託於悠悠之口而借徐侯乎發之茲數也茲其所以為理歟某不敏於徐侯無能為役然嘗習為詞章既已銘徐烈女而周君更請樹汪烈婦碑爰作詩紀事兼序其意示後之人且以竟徐君之志其辭曰 於女宗陳之良盛容色嬪於汪夫玉虹尉枝陽滇孽蠢驅封狼寇臨鞏師奔忙君應役隨戎行婉獨處奉姑嫜越終事總帷張粹狶突隳城隍覆巢卵誰蓋障賊顧笑汝理妝大富貴當侯王浩然氣填中賜死吾分維宏綱目習井神洋洋飛隼下飄緜裳賊顧歎增惋傷嗟烈婦何巍昂芝蘭為我香日與星為我光孰為骨珩與璜孰為冰與霜紫三玉漢樂羊千載下相頡頏 綸縉恩垂朝堂高綽楔邑中央騎者下行者望萬萬 楊烈婦碑并序 烈婦會甯第二川里人楊毓瓚之古流芬芳 妻而縣學生張聯捷女也年十七歸楊氏

事繼姑愼而詳毓璜業儒刺繡佐讀漏盡無倦容二年夫遺疾死婦號序幾絕姑察有異家人環守之三日乃好言慰姑守稍息夜持毓璜遺繫雉經實道光十有九年四月庚寅也于是知縣某及訓導楊翬鳳受士民狀達諸上官總督都御史疏稱旌表如例而毓璜兄典籍毓璜復丐某文勒諸墓道或謂婦人之義從一而終故曰一與之齊終身不改夫死不嫁宜也捐軀命以殉之不亦過歟且窀穸未安嗣續未立疑若未可死者烏虐此刻嚴之論不足以及槩奇節也草木向榮不知霜霰之威匡坐談笑不知泣血者之所以爲心古來忠臣烈士猝應變難猝首穴曾無絲髮顧慮似一往激厲者之所爲誠以義有重於生而不暇緣飾經術依託中庸以阻其壯涼之氣也烏虐死生亦大矣魂魄呼吸之際圓冠方領者逞逞怖裂墮膽區區弱女子顧能皦然矢志授命如毛猶復忍以刻嚴之論鯁鯁然踵其後而繼之其亦不仁也矣且夫趨死不避獨當其時爲難耳稍有瞻顧計量之心鮮有得果遂者明季常熟歸德諸公皆以碩德重望焜耀當時一旦臨大故濡忍遺遺苟延朝夕泊乎晚節盡喪生平敗壞詬辱遂不忍言嚮使諸公君亡與亡致命畢志豈不磊落俊偉與日月齊光哉然則烈婦之所爲胡可議也烏虐會甯夙稱名區詩書之族相望而地當衝劇長民者惟尉傳趨走是亟罕能章志貞教以禮義相漸摩故風俗遷易浸不逮古烈婦獨激發邁往卓卓自立若此風雨如晦雞鳴不

# 甘肅新通志

## 卷九十

藝文志 銘

五

已此志士端人所爲愴快紆軫愴而不能自默也夫揭揚盛節以風末俗者邑令事也故不可固讓乃爲辭曰 風颺颺兮木葉下靈邈邈兮何許羌欲從兮幽室阻魑魅睚眦兮君誰與語縞帶兮翩翩沐遺芳兮君所欣託魂兮飛騫要之兮重泉雲斐斐兮靈霽擊君祛兮雲之際乘比翼兮雙翔攀連枝兮余以憩長夜曼曼兮明膏燭之游氛下上兮載言遂之嗟爾塊壘之毗兮誰不識貞姜之 所爲 程履豐安化縣殉難學博王君墓志銘 同治癸酉冬十有一

歸自慶陽行路掩泣余備牲酒致奠且撰聯句以挽之明年葬有日矣適孫瀚丐余銘其墓石余不文矧鞅掌簿書未遑握管曷以銘然夙所敬慕之私亦有難自己者謹按狀而志其概君諱均字持衡子平其別號也其先世自隴西遷秦安世有隱德祖榮蚤世妣氏成以苦節獲 旌其門父修已太學生以君暨孫聯奎貴累贈奉直大夫母靳太宜人子次堃君其長也君至性過人甫束髮受書輒曉大義塾師講及忠孝遺事輒傾耳聽色動神移稍長能文章辭義真摯鄉先達胡季長見而奇之與弟堃並以名諸生噪庠序旋佐奉直公理家政戚里中有匱乏者嘗體親心力加調恤或逋負無以歸給多不責償樂善好施鄉人嘖嘖稱道奉直公老且病君奉侍唯謹彌留時語君曰吾死無憾惟汝祖母茹荼齧檠垂裕後昆而祠堂未及建汝兄弟能竟吾志吾目瞑矣君

泣誌之爰鳩工庀材竭力營造並置祭田若干畝爲久遠規君兄弟怡怡壘簾常協有女弟二所適皆寒門賴公籌維得免終窶之歎其內行無虧已如此咸豐九年膺歲薦次年銓選安化縣學博課士以敦品勵行爲先於貧者資助之俾無紛營弛厥學士風丕振爭自濯磨學中有被褫者數人君廉知其無大過悉請復其衣頂人咸感頌同治改元恭遇 覃恩獲邀 封典以榮其父母君以先德稍克酬矣乃有退志適回氛不靖蔓延秦隴開方與守土官籌守具不果去三年賊圍慶陽城急君率士民登陴守禦晝夜無少懈卒以時適奇荒斗粟值數十金城中食盡勢益不支乃召隨任諸孫謂此城岌岌不可保吾義當致身汝輩可夜縋城出諸孫對泣不忍離君叱之去比明城遂陷君死之時同治三年三月十三日也嗚呼君非有守責者而志在報 國城亡與亡大節凜然死且不朽矣入年始 聞其事於 朝奉 旨賜恤入祀本籍及慶陽府昭忠祠並 予雲騎尉兩代世職恩騎尉世襲罔替忠魂亦可少慰乎十二年秋關塞肅清道路無梗季子聯甲始扶柩歸里以十三年四月二十四日葬於南郭靳家溝之新阡君死事之年距生於乾隆五十五年十一月初十日享年七十有九元配陳氏生子一聯奎縣學生五品銜候選詹事府主簿蚤卒繼配馮氏生子二聯璧太學生聯甲以捐助軍糈貢成均女三又繼楊氏先君病卒任所孫瀚承襲雲騎尉燥蚤卒俱聯奎出三錫九如迎

# 甘肅新通志

## 卷九十

藝文志 銘

三

祿世祿俱聯璧出七旬聯甲出俱業儒曾孫四元孫一一門雍睦賦衍瓜縣余卜其後忠孝之報駸駸乎殆未有艾也銘曰 日成仁日取義讀書不負平生志廟食千秋香 任其昌翰林院編修吳

### 君墓志銘

君諱西川字蜀江號煤龍秦州人世居北鄉之卦臺山曾王父諱壯南 封朝議大夫王父諱廷榮 誥贈朝

議大夫 晉封通奉大夫父諱鵬圖山西長子縣縣丞 晉封通奉大夫君即貳尹公之第三子也幼聰慧不好兒戲事七歲貳尹公命作杏花詩即能成章九歲應童子試十八人州學逾冠補博士弟子員嗣丁貳尹公憂服未闋母夫人亦棄養破產營葬事結廬渭曲足不履城市者數年辛酉得拔貢生 朝考未見用歸值軍興爲州縣掌書記後入資爲內閣中書庚午捷順天鄉試逾歲捷南宮改庶吉士甲戌散館授編修乙亥卒於京寓吾鄉先達少爲古文詩者君未冠已獨肆力於此明粹婉妙多可傳自家中落食粗糲無戚戚態且不與富貴人往來居京師退直之餘不出庭戶然用能文善書人遂多知之者及入翰院文名播京師廉謹退讓一如其曩時而不意其竟至於斯也嗚呼痛哉人生不必皆才才矣未敢妄意於富貴勛名惟是埋頭項筆硯間此亦豈爲非分事者而猶湮遇摧敗即食貧居賤之歲月亦不使多享天耶人耶其謂之何哉其謂之何哉君以道光辛卯生得年財四十有五妻

劉氏子二寶瑀翰林院待詔其第五弟渭川子君以爲嗣寶瑀側室劉氏出今年九月十八日將葬君其弟來請銘銘曰 磨鳳伏穀德以藏兮有其振之是用彰兮曷屬 王權安母鄧恭人墓志銘 曷羅札焉傷兮天闕終世嗟彼蒼兮 有醅德女師曰鄧恭人者秦安廩膳生 誥封朝議大夫安公永吉之室而太史維峻之母也左文襄相國督師隴上搜揚秦隴人才數太史爲第一時太史方逐諸生隊越五六年遂成進士入詞垣然邑士大夫之論不多太史之才而爭道封公及恭人之善教尤樂道恭人之微言懿行以爲安宗之蔚興成於內訓爲多焉權始識太史於青門而慕其彬雅後又同應州聘校試卷而益敬其志行明年春息跡林下太史遣使告恭人之喪且責事狀泣請曰寒門貧蹇家君篤學遺世務未嘗役心生計薪米糗糗皆吾母拮据任之茹辛集蓼以育以誨鞠子之艱百倍常情中更家變遭婦子幼孫之喪四不肖又邁疾假歸負茲踰載慈懷焦軫慘悴無歡今歲恙甫痊可而吾母以憂勞沒矣天乎痛酷大懼苦行之就湮惟先生憐而賜之銘謹按狀恭人姓鄧氏秦安儒族女幼而端淑顰笑無苟長勤女紅以鍼黹佐母王宜人宜人以不勞亂歸朝議公時姑馮宜人前沒時節饋薦必潔必虔事翁奉政公謹恪婉嫵公如得一愛女奉伯叔姑得其心與嫂馮處情好逾姊妹然齒繁產薄家計日不支伯叔遂議析居會同治初隴右兵作資業蕩盡

# 甘肅新通志

## 卷九十

藝文志 銘

三

戊辰歲大饑貸粟外家雜野菜充半飽願猶節縮微贏以濟鄰里饑夫同產兄弟憐恭人之賢而貧也議分田以贍之恭人辭曰諸兒賴舅氏培植學倘有成卽吾產也奈何以女流占昆仲之業乎卒峻卻不受性習勤劬子已通籍猶衣浣濯啖蔬糲晨夕操紡車太史勸息不聽曰貴族婦女耽逸好奢往往至敗家我性固喜勤動且欲令子婦輩不染宦習也有甘旨鮮食必分致族中尊長次及戚鄰笑謂諸媳曰大家嘗意味長願我世世子孫無忘此意子媳姪婦至前必隨事誨誘戚鄰婦女相過亦正言勸誠有里嫗善詈人詛呪之聲日不絕口恭人見而婉勸曰詛呪無損於人徒自作口孽盍少戒焉以爲子孫福乎嫗感悟稱謝而去自是遂不詈人退謂所親曰安母生佛也聽其言如誦經懺矣自女教廢而風俗頹驕侈先中於閨幃而子弟之浮脆人才之靡恭因之若恭人之孝慈恭儉固事事可爲軌則然習勤履順猶女士之常行也若其御分田於同氣弭惡孽於婦口操持堅而悍戾化則非女士之常行也太史他日當官敷政師其卓操以立節師其善化以革頹則偉業盛勳皆資母教而成豈惟畫荻折筭訓厲藝術已哉恭人卒於光緒十六年十二月望前一日年六十有二明年十月二十四日葬於胡家巷口東阡塋次祖克友增廣生考惟繼 賜贈奉直大夫子五長維嶼五品封階次維峻庚辰進士翰林院編修記名御史三維嶽漫行庠生先恭人卒四維崑從九品職銜五維



岫縣學生孫七俱幼學孫女八皆適名門銘曰 温昫以良慈儉以臧日母範之常窘乏而介化及暴悖斯闔德之最德則臨胡以艱屯瘁其身以昌子孫徽音懿訓州邦 在籍戶部主事任君墓表 是為卓行碩學戶部觀政進士隴南書院主講任士言先生之墓先生之存也自分巡觀察使州縣長貳下逮三郡生徒靡不諮事質疑奉為圭臬其沒也官師士林毗庶咸悲悼嗟惜悵悵然如失所依嚮葬後七閱月其友人伏羌王權為撮敘其生平行誼學術揭於羨道之石曰嗚呼先聖嘗思見剛者而謂有欲即不得剛今觀於士言農部始信真剛之果根於無欲而無欲之剛迥異於負氣爭強者之所為剛也君名其昌士言其字甘肅秦州人曾祖祖父皆以君貴 覃恩晉贈中憲大夫累世種德積善翰光儲社以迄於君君少聰穎且嗜讀四子小學諸書皆父贈翁口授贈翁臨終遺命即餓死勿改業君謹遵之自總角至老未嘗一日廢學初把筆為文即吐棄膚末不作凡近語塾師屬喜亭奇之倍課其業家貧甚倏粗糲不繼午餐或缺則飲水代食然終不以飢告人弱冠應童子試知州事閩縣董君平章亟賞其文延置門下而教育之董故名進士學富文雄君得其指授所學日進盡發署中藏篋博覽強識又得衛淇園周古漁二山長啟發獎勵器識益臻遠大由州學生舉戊午鄉試同治乙丑成進士籤分戶部候補主事明

甘肅新通志

卷九十

藝文志 銘

三

年奉母黃太恭人入都供職六部惟戶部有公膳甚豐腴君以太恭人在寓食無兼味不忍一下箸日枵腹從公午後乃歸侍膳元配郭宜人卒於京至十年不續娶入部歲餘即嫻吏事先達倚之為左右手自山東司幫橐洊進主橐且敘勞 賞加三級潘文勤寶文靖二公先後掌部尤歎賞器重駁駁且擢用矣竟以母老思鄉里決計請假歸養旋膺當道禮聘主天水書院講席數年移講隴南兵燹後絃誦久寢君盡心惇誨因材曲成高者教以窮經讀史培根竢實其次為討論制義源流奧窔於場屋文利鈍得失指示尤深切故兩院之士掇甲乙科者至八九十人學使胡與督臣楊會銜以事親至孝教士有方保奏奉 諭旨加員外郎銜蓋異數也君雖掌教林下經濟未試而庇民惠物之績效有登見於鄉邦者伏羲城創築垣墉眾議延君督率勸捐抽丁綜核出納實省而工堅戊寅歲大饑今制軍秀水陶公時典州帳務一委君經理焦思瘠口昕宵不遑息者逾半歲活流徙飢羸以萬計他若籌增文社資本及城防軍需諸局務皆總董其成幹事才識可略見一二矣前後居祖中憲公贈翁太恭人三喪皆以古禮鄉俗參酌行之以喪葬用樂為悖理毅然革去太恭人膺驟疾君籲天長跪於暴雨中竟一夜兄弟四人君當困阨時節縮衣食贍給不使缺伯兄及二弟俱先君卒卹婦字孤殫罄心力族弟某沒後遺兩女攜歸養而嫁之賀駱二老儒嘗評點君文身後妻孥窘乏君傾橐關

濟終身無間其內行之篤他舊之厚類如此性極耿介既自寒餓中茹苦礪節以至有立及去官回籍州里素封不時相招邀然終無一錢之霑潤與朋輩遊處恆規過糾愆甚或面斥其惡受者或敬聽心折其素行有以服之也官紳以公私事就商皆爲剖決是非引義直陳絕無阿徇瞻顧茲其剛德之根於無欲者歟制行若斯幹略若斯顧不獲居位乘權昭展素抱竟令終老閒散復遭國家陽九之厄至賈恨以沒焉天意竟何如哉體素癯健年逾六十猶能東登華岳北陟崆峒爲壯遊光緒庚子夏五月海疆難作聞之憂歎廢寢食因觸動氣疾嗣聞都城淪陷鑿與西狩悲憤拊膺遂委頓伏牀卻醫藥不御力疾自作墓誌並自輓詩三章以殲寇雪恥之志生未得遂死猶欲率鬼兵以殺敵良可悲已卒於光緒二十六年十一月癸未午時年七十有一以次年四月辛丑葬於州西長山麓祖塋君之學尤長於考訂史事晚年復以治經爲歸宿所爲詩古文皆能到近代作家所未到著有秦州新志蒲城縣志皆已刊行敦素堂詩文集八代文鈔家藏待梓子三長承允甲午恩科進士官內閣中書都城之陷道阻未得歸辛丑春始聞君喪衝鋒突門而出由津沽迂道襄漢武關歷萬險抵里門適及葬期得親營窆窆戴大事次承湜出繼從父季承學年尚幼已能執喪如禮承允未至時殯殮奠薦皆佐承湜營辦焉

### 劉永亨張壯勤墓碑銘

光緒二十六年三月北洋

## 甘肅新通志

### 卷九十

藝文志 銘

三

各軍翼長喀什噶爾提督張公卒於南苑軍中遺疏上天容震悼禮遇惟隆予諡壯勤事跡宣付史館立傳子若孫各有加恩飭詞臣撰擬祭文碑文以光勛舊永亨承乏清祕得濡毫而藻揚勞烈典至盛也公病時公子儒珍方分統甘軍駐紮蘄州段家嶺乞假來侍醫藥而王夫人已先公十日卒於里第訃報既至公正垂危及歿後儒珍將擇於四月下旬遵旨奉柩西還瀕行泣持兩狀來徵合葬之銘余固陋然交公最久知公最深公之功在巖疆名在史策歌詠在人口抑豈曠石之文所能敘述所能增重獨念公卒僅逾月喪歸甫數日而民教肇事中外釁端紛起時局自此愈棘天雖隱以完人終始與公永亨固知公憂國之忱抱憾於九原爲無極偉人身繫安危舉世無智愚皆知公之幸世之不幸公在泉下不自以爲幸此則永亨所獨諒益徵夫猛士之歌其於今日仰瞻九重爲尤可悲已不獲辭謹按狀公姓張氏諱俊字杰三甘肅固原州人世爲著姓三世皆以公貴贈一品封公生而孝友凝重寡言笑不阿流俗同治初元關隴逆回叛亂公起自田間贊今統武衛後軍董少保團保鄉人子弟往隸劉忠壯襄勤叔姪隨原大學士左文襄殺賊圖報誓殲逆黨其閒蕩金積靖河湟戡定天山南北兩路功冠諸軍公本屏息大樹遺意不自論功其見於奏牘者十僅三四國史立傳亦止大概茲不載及以重違公意敘次歷官所至初由監生出山累洊記名提督倭欣

巴圖魯 賞穿黃馬褂授西甯鎮總兵調伊犁鎮總兵擢新疆喀什噶爾提督調署甘肅提督奉 召詣京師派充北洋各軍翼長

賜紫禁城騎馬以逮身後諸 異數重 君恩禮也公治軍嚴整撫士卒如家人以是得其死力為世宿將與董少保齊名元配

王夫人母族與公同鄉并賢淑重於里黨事姑以孝著于歸數載遭值兵戈公逐賊遠役夫人艱難險阻負子避賊山中僅而獲免

自寒素以迄貴重服勤如一日當公鎮邊陲時夫人至節署職涖襄助籌邊為士將所感因耗至軍部曲多泣下者於以見其相夫

及人之澤若合符節子一儒珍即夫人負以避難而以統兵殺賊世其家者也以任子帶隊從董少保再定河湟積功至花翎二品

頂戴 記名道武能依巴圖魯公致 加恩仍以道員請 旨簡放孫一超 賞員外郎服闋後分部行走曾孫一耀宗公生於道

光二十一年正月十三日寅時終於光緒二十六年三月十一日申時享壽六十王夫人生於道光二十四年六月十一日未時終

於光緒二十六年三月初一日未時享年五十有七儒珍奉公視還自京師將迎王夫人之柩於靈州新第合葬於故里毛曲井之

原迺為銘曰 妖星將見大星是沈桴鼓聲絕後先歸神隴 張世山在望松柏森森嗚呼天不厭亂世將太息永念夫斯人 英王心如先生墓志銘 昔安定胡先生學者稱先生不問而知為胡公肥鄉欣戀駿明童稚則疑為古人關

甘肅新通志

卷九十

藝文志 銘

四

隴人士之於心如先生也殆無異此先生之歿也世英假牧邠州子念誠以所為行狀隨訃至以世英親炙久屬銘先主之墓竊以

為先生德業文章自足千古今志壙以俗筆為之衣衾適以穢尸棺椁適以隔真耳時先生猶子士斌方慕邪不為可乃和淚而質

言曰先生姓王氏諱權字心如號笠雲甘肅伏羌縣人世有令德父中憲公以大挑教諭殉難平涼事在 國史配原恭人生先生

暨乙亥舉人徽縣教諭樹先生少小為文輒驚人稿脫手師罕能點竄成童即善事父母伯叔邑獲白雉先生作記悲之文載縣志

十六應童試為古浪令懷甯陳雪鏞先生所欣賞旋入庠食餼招至署中肄業陳海內鉅儒精漢學先生乃學陳所學不屑屑於舉

子文力務聞修一祛近世講學家虛矯之弊陳後去官貽先生及武威李雲章詩有肝膽真吾徒文學亦高第百代有良史獨行于

當置語其傾倒至矣道光甲辰 恩科舉於鄉十三藝進呈 御覽三試春官皆特薦垂得復失自此絕意進取咸豐八年選文縣

教諭日集諸生誨以窮經植品文風蔚然文之民雜有蕃部辛酉猝變執邑令代者選壯士攜書入巢下之番酋折箭誓曰誠得漢

人有行義者來約可定也先生慨率生員蕭繼先編論三十餘卷蕃族為之感泣凡再往撫邑用無事大府擬保升知縣先生不可

乃改獎鹽提舉銜同治元年回匪變二年秋平涼城陷中憲公四口盡節先生冒危奔赴徒跣入城得人肯輒割臂滴血以驗卒殉

獲乃抱衣招魂以歸既葬誓剪賊以報適林造村方伯督軍甘南  
招入幕逾年河回東撲甯遠勢甚棘先生請速發兵往救林公雖  
之而不卽用先生憤怒條陳利害訖引疾辭去林乃調集黔勇扼  
要駐防甯賴以存旋應制君穆公之聘隨以中憲公事蹟入 奏  
而京外大府繼之得 旨贈國子監助教准建專祠宣付史館世  
襲如例先生墨經從戎然不欲酒食肉不御內者三年逢忌日則  
爲位號泣歷保花翎陝西補用知縣直隸州知州升用先生茹悲  
就職非易初心爲建祠需費計也初署延長縣事縣爲陝之瘠區  
又值兵荒蹂躪之後先生不延幕友諸從節儉舊有賸削之改革  
除務盡招徠開墾分給牛種設粥廠十餘處散棉衣數百領元氣  
賴以全復封狼爲患爲文禱於城隍立止旋補興平縣下車先訪  
兵燹後之抗節殉難者建坊 旌表於通衢邑鮮素封士子鄉會  
試苦乏資斧先生爲捐千金取用子錢以飲之又手續邑志增修  
文星樓費皆已出興當衝途供億浩繁往往拉一馬必至擾及四  
鄉徒飽蠹胥之詐索而差仍不支先生撙節浮費買馬五十匹併  
錢三十緡給附郭民畜而用之有役仍給草料費又裁去里局月  
供縣廚並兵吏過境酒食錢壹百柒拾緡供給之膳夫僕役必擇  
勤且忠者理之每差省民錢復以百十至千緡計他如驛馬退換  
規費百緡催科總役局給百二十緡凡稍近誅求者悉罷之不他  
恤也光緒三年陝西海饑先生力請上台糴穀賑救又捐廉爲粥

甘肅新通志

卷九十

藝文志 銘

三五

躬親散給與之民賴以全活七年歲仍大歉興平報禾收分數最  
少當道意諱災諭郡守致書改冊先生執不肯嗣檄各屬續捐義  
穀先生又獨據理以爭民卒得免捐緩征而先生則解印矣去之  
日士民赴省泣留故未幾仍回任遂辦免沿渭崩地空糧裁耗羨  
餘平每兩一錢省火耗串票布袋等費每兩七分兵書經收屯更  
銀項向有以合爲升之弊併勒石禁絕均前任所未有也理訟則  
剛明廉峻振惰祝姦不爲媵嬰喫咻之惠奇譎之跡意有所不可  
達官要人莫能奪雖蹈危害勿憚訟棍猶痛懲之駐藏大臣某過  
境其僕需索橫恣先生予以重杖後量移富平爲治略如在興平  
者歲凶請於上台爲減地丁之半居年餘以中憲公建祠事假詞  
告歸三而許之時興富士民以前者嚴拒德頌將製錦纂次歷任  
政績借郊亭餞別以行其敬先生聞仍寓書拒之略謂凡人處施  
受之際厚則相忘薄則相耀今欲榮我以標榜之文是絜而下之  
使與姑息以媚民黠術以愚民者同列也云云歸田後分廉俸以  
周貧乏戚友本族則量親疏遠近爲之分致諸弟姪至今猶各有  
津貼其捐金資士一如助興之數丁酉春擇地莊西建中憲公專  
祠戊子落成己丑與秦州任士言先生分修秦州新志逾年告成  
視舊明備先生朱仕時嘗主講文昌天水正興興文四書院乙亥  
壬午分校陝闡得人稱盛前後會垣再延主講席並屬以平西紀  
略忠義錄彙義有不可皆堅詞謝之平居自春秋祭日詣先祠不

輕與人往來亦不與聞地方公事然有所裨益亦必籌畫贊襄以  
成之去年甲辰重宴鹿鳴得旨賞四品銜其秋興平人士爲建  
生祠於槐巷重宴之先邑人欲藉以祝報力拒之曰生日宜痛誦  
蓼莪又何慶焉矧我於父母之喪初未從志耶庚子之變談及時  
事聲淚俱下精神亦因之驟減其忠孝蓋天性然也先生學優而  
仕仕歸復學鍵戶發藏篋舍詩古文鑽研考據嚴冬盛暑往往移  
晷廢餐忘寢日有課程八十後嬰腹疾然目光炯炯錄下能閱蠅  
小字書屬纊之前丹鉛猶不去手著書多種皆前人所未有後人  
所必需者日與地辨同日辨同錄日典助日詰贖日童雅皆考據  
訓詁類也其中年時文暨應酬之作遠近鈔傳久奉爲法然多不  
存彙其存焉而霧壤於久雨者兩篋今曠有笠雲山房制義鈔笠  
雲山房詩集笠雲山房古文集若干卷皆可梓不梓於此見先生  
之所持者大矣體極樸氣清迥不凡淡泊明志生平無飲食衣  
服與馬珠玉鼎彝之好遺命棺衾毋許豐美至濟人赴義則傾囊  
不惜喜成人之美而不矜不伐故人之所感者深投老後厥與人  
接顧見後進則娓娓終日不倦雖極尋常淺近語皆含六籍深蘊  
詞貌和而肅衣冠動作學道之氣儼然人望而畏之直道率真不  
立崖岸著書一室屹乎條閣隴名教之大防沒之日遠近弔者鮮  
不歎息失聲若舉失其所恃者然吁不易易也生於道光二年十  
月壬寅卒於光緒三十一年六月癸丑春秋八十有四原配原恭

# 甘肅新通志

## 卷九十

藝文志 銘

三

人早卒無出繼配汪恭人側室高氏子四長念祖次念詒光緒乙酉拔貢戊子舉人均先沒汪恭人出父次念誠優廩生念諤攻讀高氏出女九長適甯遠附生令耀堂卒次早卒三適耀堂弟晉堂四殉難平涼汪恭人出五適邑黃氏庠生義昭六字義昭弟庠生義山與七皆先沒八續適義山九適邑庠生黃兆熙皆高氏出孫一紹慈業讀孫女一曾孫一均幼以光緒三十二年七月十三日葬於西山卯向之新阡銘曰不實秋而華春兮恐賊吾仁惟根柢於忠孝兮合內外而一純許鄭杜韓哀一手兮更有僑惠以養民出與處兩無怍兮何怨尤乎天人任承允劉侍郎子嘉墓志銘仰哲人而忽萎兮遺不朽於貞珉

本朝三百年間吾隴士夫夫由詞曹內遷至侍郎者子嘉君一人而已乃年未周甲而沒惜哉君姓劉氏諱永亨子嘉其字世居秦州西關之白土崖曾祖德源祖達官考尙志以醫術顯有隱德三世均貴如君官君弱冠入泮補弟子員以貧故教授養親文名鼎鼎然日盛丙子舉於鄉明年聯捷選庶吉士庚辰授編修未二載奉父諱歸講學甘州服闋因繼母老病設帳里中不遠出旋丁憂遂主求古書院講席所至懇摯乎士心用能裁成宏富既而偶乎有遠志投筆西出玉門陽關渡流沙徧覽河源蔥嶺開作壯遊屯邊各豪帥莫不聞風傾慕遣士卒服囊韉嚴營陣千里動色相送迎遊旣倦策馬復入國門益讀書於天祿石渠中借國史以

發抒其蘊蓄甲午典試關中以勤審能多拔積學士與修會典由  
詳校進總纂提調獨以參考詳密見推尤謂國帑不可虛糜所  
夕勉同人以速成爲志先後奏保升階加侍講銜戴花翎又以節  
省六萬金邀優旨褒嘉戊戌晉侍講轉侍讀己亥轉庶子充  
日講起居注官拳匪之亂詔廷臣議職和君時官侍講學士預  
其列請暫遣團民出城幾櫻當道之怒退則呼余作書約同志致  
於鄉人之用事者而迄無應及兩宮西幸君於辛丑春亦赴  
行在遂晉少詹事隨扈至汴晉詹事壬寅晉內閣學士應權戶  
禮工部侍郎兩次估西陵工覈名實如營家計丙午春授工部  
右侍郎四月調倉場侍郎正值開漕以酷暑中馳驅百餘日不肯  
少休息而脾病於此適作君兩居喪祭葬守禮經無少出入待諸  
弟姪恩誼交盡與門生故舊處殷勤而盡禮然有過則必面斥一  
以力學謹身爲歸宿生有異稟雖稠人譙笑中執筆千言不少誤  
一動言不失節度在家在官皆然身長面尤頎似壽相竟以腹泄  
致不起惜哉君生於道光三十年十月初五日戌時卒於光緒三  
十二年十二月二十五日戌時享壽五十有八配劉氏繼配武氏  
王氏先沒子男一汝寬廕生禮部禮器庫簿正武氏出女一適汪  
劉氏出將以沒之次年八月廿五日吉時歸葬君於天靖山金家  
灣亥山已向祖塋之次君爲余先子門人余當髫齡趨庭君卽引

甘肅新通志

卷九十

藝文志 銘

三七

爲忘年交及同官京朝益以道義相切劇庚子患難中余以奔喪  
別君去者六年復來則已視君於病榻上相對沈瀾而已嗚呼卽  
微孤子請而能已於言乎銘曰崑崙地絡控金方隴山千仞雄  
且長鬱爲人傑桑梓光玉堂瑣闥中翱翔嫺嫺祕書酣瓊漿倬然  
詞翰垂典章陵工綜覈獨精詳經綸小試司神倉屢遷其官勤無  
荒無逸而敬宜壽康何二監子居膏肓斯文後起誰芬芳白雲黃  
鶴空渺茫英魂歸葬藉川陽福未極兮

王學伊董少保墓銘

光緒戊申將安少保董少保墓銘狀泣請銘廣辭弗獲謹按狀而誌實焉公諱

福祥字星五固原人世居王朝陽山曾祖萬隨妣氏石祖煥章妣  
氏高父世猷妣氏王均以公貴贈一品秩昆季三公其仲也少家  
貧讀書未竟髫齡嬉戲率陳矛戟演戰隊旣長慨然有大志喜談  
兵贈公昂以力田公曰男兒志在四方安能鬱鬱耕鑿間乎同治  
初狷逆馬化隆輩肆擾秦隴遷避者踵相接公曰避之而生甯捍  
之而死遂集團練馳驅環慶固甯諸路助官軍不及一時豪士如  
張壯勤諸君皆隸部伍己巳劉忠壯公督師剿甯夏檄公赴前敵  
號董字三營薄肉迎戰迭克金積堡等處三十餘所生擒巨酋盪  
平巢穴分軍屯之公之居金積堡也實肇於此壬申剿西甯下大  
小峽桌子山諸寨癸酉河狃米澂臣叛馳往堵截報克獎花翎

洊保提督光緒丙子劉襄勤公治新疆伊犁軍事倚公如左右手  
疊復天山木里河瑪納斯諸名城疏上以畏創力敵敘頭等功  
召免騎射 賞黃馬褂阿彌杭阿巴圖魯襲騎都尉兼雲騎尉公  
之征天山也會大風晝黑如夜諸將莫敢進公曰治敵攻不備鼓  
行而前殲其魁丁丑剿古牧地烏魯木齊達坂城托克遜伊犁南  
入城安集延就撫復踞寨里河公曰犬羊之性動事反側力制之  
遂以授首左文襄公奇其才昇以湘楚恪靖各營西四城防務留  
守葉爾羌等處巨逆白彥虎者猛且鷙公襲追之一晝夜行四五  
百里將就擒竄俄界得脫公曰狡哉賊乎彼之幸吾之憾也丙戌  
授阿克蘇總兵庚寅擢喀什噶爾提督甲午述職 召對大悅加  
尚書銜 賞福壽字玦拾佩玉 命練甘軍駐河西務為保衛計  
乙未河州回復亂奉 命援剿兼程行踰洮河直擣王家嘴邊家  
灣康家崖匪巢解太子寺河州城圍丙申轉征西甯力奪米拉溝  
大通漫坪多巴要隘捷奏 晉太子少保調甘肅提督丁酉入  
覲迭頒克食旋領武衛後軍屯薊州 賜紫禁城騎馬肩輿如意  
帶膝貂褂蟒緞銀兩庚子變起倉猝 聖駕西狩授隨 扈大臣  
節制滿漢各軍比 回鑾修好鄰國公引疾乞歸 陛辭 皇上  
出手詔嘉其忠勇公跪而讀之感泣不置公之所以荷 主知與  
所以識時務者侷乎遠矣甲辰夏皋蘭黃水為災出金巨萬以賑  
今年春正月有寒疾觸舊傷憊甚人日忽 衣冠北向展拜捧

### 甘肅新通志

### 卷九十

藝文志 銘

姜

詔莊誦涕漬襟既而曰休短有數吾疾不瘳天也惟自憾無以  
報 朝廷耳顧謂恭曰吾俸所贏約四十萬誠 天恩之高厚也  
悉舉以助帑毋違吾言子孫自食其力可耳言訖端坐家人叩之  
不復與語至初九日亥時溘然而逝大府上其事得 旨嘉獎孫  
恭仍以二品銜道員存記世澤弗替嗚呼如公者實有超出尋常  
萬萬者夫人張氏趙氏嗣子天純一品廕生孫恭公生於道光己  
亥十二月初五日酉時歿於光緒戊申正月初九日亥時春秋七  
表葬於固原南鄉十里墩官山新阡

### 贊

### 魏曹植庖犧贊

本德風姓八卦創焉龍瑞名官法地象天 女媧贊 古  
庖廚祭祀罔網漁畋慈以像時神德通元

國君造簧作笙禮物未就軒轅纂成或 黃帝贊 少典之孫神明聖  
云二皇人首蛇形神化七十何德之靈 黃帝贊 哲士德承火赤帝  
是滅服牛乘馬衣裳是 黃帝三鼎贊 鼎質文精古之神器黃帝是  
制氏雲名官功蓋五列 黃帝三鼎贊 鑄以象太乙能輕能重知凶

識吉世衰則 隱世和則出

### 晉摯虞庖犧贊

昔在上古惟德居位庖犧作王世尚醑斝 黃帝贊 黃  
設卦分象開物紀類施罔設網人用不匱 黃帝贊 帝

在位實號軒轅車以行陸舟以濟川弧矢之利弭難消患垂衣而治萬國又安**王彪之**之**伏羲贊**悠悠皇儀體寂神澄無爲而化出道之凝不知有之**曹毗****黃帝贊**軒轅應元期幼能總冥感自興因應之跡畫象結繩百神體鍊五靈妙氣含雲露津摻石曾城岫鑄鼎荆山濱懿焉天**郭璞****崑崙邱贊**崑崙月精扉闢飄然跨騰鱗振轡灑長風寒裳躡紫宸水之靈府惟帝下都西羌之宇傑然中峙號曰天柱

**周庾信****黃帝見廣成畫贊**

治身紫府問政青邱龍湖鼎沒丹竈珠流疏雲卽雨落木先秋至道須極長生可求

**唐房喬等****晉書禿髮贊**

禿髮弟兄擅雄羣夷開疆河外清氛西土涼傳檀傑出騰駕時英窮兵黷武喪國頽聲

**武昭王傳贊**

武昭英叡忠勇霸世王室雖微乃誠無替遺黎飲德絕壤霑惠積社丕基克昌來裔**李華****侯知**

**道程俱****羅二孝贊**

厥初生人有君有親孝親爲子忠君爲臣兆自天命降及人倫背死不義忘生不仁過及智就

爲之禮文至哉侯氏創巨病般手足胼胝以成高墳夜黑騰動如臨鬼神哭無常聲迴徹蒼旻苴斬三年爾獨終身嗟嗟程生其哀

也均顧後絕配瞻前無鄰

**甘肅新通志**

**卷九十**

**藝文志 贊**

**三**

**宋歐陽修****唐書吐蕃贊**

唐興四夷有弗率者皆利兵移之歷其牙孽其庭而後已惟吐蕃回鶻號強雄爲中國患

最久贊普遂盡盜河湟薄王畿爲東境犯京師掠近輔殘賊華人謀夫虓帥圍視共計卒不要領晚節二姓自亡而唐亦衰焉夫外撫內甯惟聖人不讓元宗有懿德而拓地太大務遠功忽近虞逆賊一奮中原分裂訖二百年不得復完而至陵夷然則內先自治釋四夷爲外懼守成之良資也

**明楊恩****忠烈隴右王汪公德臣像贊**

贊曰懋承帝眷勒石紀功曰仁曰義克貫始終社稷攸賴識瞻

超羣偉哉夫子匡國元勳**毛銳****龔伏羌****伯鐵券制書贊**臣伏惟皇上以臣祖考

賜以鐵券使世其爵伏觀制文援引前人褒獎備至以霍去病許之以馬援許之以班超許之以思之以猛士品之以忠臣異渥殊典實爲奇遇臣惟祖考雖平生篤於忠義然非皇上至公至明不遺管蒯曷以臻此則夫臣與臣之子孫紹封嗣祿者求盡忠孝之節

感激圖報宜何如哉謹於制文各語之後贊以贊詞而寶藏之使後世子孫咸知佩聖謨繼祖志而不怠焉制日久擐甲冑而樹績贊曰孔貴致身孟重修職矧惟將臣敢不殫力維臣祖考結髮臨戎南闕西陲甲冑在躬服勞至死聖制褒獎仰贊殊恩傳耀穹壤



制曰薦分弓鉞以專征贊曰將臣推轂專制闕外夙杖天威無遠弗屆維臣祖考弓鉞專征修蛇封豕誓以削平蹇蹇匪躬聖制是與仰贊鴻猷流播天宇制曰壯號嫖姚贊曰惟漢名將曰霍嫖姚老將曰夔鑠翁米山銅柱冠世驍雄惟臣祖考七十有五礮山七峯不避險阻報國捐軀與援協圖臣拜稽首天子唐虞制曰虎頭食肉受封萬里之西贊曰漢將之良有班仲升虎頭燕頤六合揚名惟臣祖考嘗鎮西域上下千載異世同績定遠伏羌同一侯封臣拜稽首永揚聖功制曰馬革裹軀為榮九泉之下贊曰嗟惟伏波嘗謂男兒當死異域馬革裹屍惟臣祖考實踐斯語死非其義玉匣奚取礮山高高命若鴻毛臣拜稽首永膺寵褒制曰英魂助梟於叛賊贊曰存為時雄沒為厲鬼除兇報國曷聞生死惟臣祖考殞於孤忠魂飛九天靈著七峯滿四未誅甯與同滅天語不遺褒示忠烈制曰義氣可激於懦徒贊曰屹彼砥柱頽流是障緬惟忠義天下之望惟臣祖考秉義捐軀凜凜英風宜立懦夫七峯巖嵬風雷雨電天語不忘列示世觀制曰歌大風飛雲之章朕安得夫猛士贊曰漢高歌風猛士是思惟彼三傑矯矯一時韓蕭不終張也早去臣祖何幸終始遭遇見危授命猛士之心臣拜稽首天鑒寶臨制曰挺秋霜烈日之節爾可列於忠臣贊曰人臣之分節

甘肅新通志

卷九十

藝文志 贊

平

義惟剛皎皎烈日凜凜秋霜尚惟臣祖忠肝義膽礮山掛生聞者痛慘表功旌德標以忠臣臣拜稽首天子聖神

國朝楊應琚稚松贊

余再泣惶中自東郊僧院移稚松一株植於道署

餘力或曰此松長成君去官久矣余曰種樹而望成材自獲其益此後人之見也余則不然乃為贊曰 劍拔三尺而有千尋之勢余愛其歲寒之心非利其有棟梁之致培而 楊芳燦當亭諸烈士養之將成國器棄而置之恐真蓬蒿無異

贊 乾隆四十九年西陲回匪肆逆始於平涼之海城終嘯聚於鞏昌之石峯堡 天威震讐 王師迅掃未踰三月即行殲滅而起事之始官兵遷延頗失小利蜂蠶之毒蔓延於東南各郡縣五月十一日鞏屬之通渭陷焉叢爾伏羌距通僅百餘里賊眾於十

八日轉掠入境而編戶之逆又起而應之虺毒潛吹梟風肆扇十雉之城危如累卵某嬰城抵禦凡四晝夜援兵大至虎口僅全而郭郭之居民被其焚掠者已不可問矣先是賊將渡渭瀕渭之村落有姚生以甯以治率眾鄉民之膽勇者百餘人力與之角俱死於難泊賊臨城士民或因罵賊而受戕或因拒賊而投命或被脅不從身罹鋒鏑錚錚佼佼不乏其人事定後某採其蹟之尤烈者上之幕府咸旌其閭嗟夫伏固窮鄉僻邑諸人者身未出於閭閻名不挂於朝籍而義憤所激慷慨赴死在危而無撓臨難而益奮

雖古烈士無以加焉豈輕生重義其土俗固然耶益見我國家德化所被涵濡淪浹有以感激士心之深也聖人有言十室之邑必有忠信豈其然乎某身陷重圍幸而獲濟而諸人俱罹其厄感悼於懷尤未忍聽其湮沒也爰綜其事實而爲之贊伏羌古當亭縣也概謂之當亭諸烈士云其辭曰 聖神御寓輝烈光燭邊陲嬰環罔不臣服蠢爾逆回自干天戮曾未三月巢傾穴覆梟獍誅夷俾無遺育妖謀初構厥勢實張醜類煽熾官師惟懷如火燎原如水潰防旣襲渭城兇渠益狂旋入當亭豕突蜂擁危城岌岌沸聲洶洶攻燔淡日死傷連踵誰攫其鋒孰挫其勇英英姚生志節高亮同懷共膽義聲先倡梁柁爲柵鋤耨爲仗投身虎口思扼其吭軀骨可糜風期自壯李族多才衣冠濟濟與也效節瑗能仗義兇威莫遏終然俱斃宗揆慷慨義容偉異修幹豐頤燎目巨鼻賊設甘言啗之以利挺立不撓誓聲益厲抉面屠腸分骸裂髓烈烈丈夫令人增氣汝瑚樸僮孝實性成讀禮聖室甯死不懲苦由首碎穰麻血凝七尺桐棺屹然不毀沒見龍舒庶幾無愧父死於慈子死於孝卓哉二生無慚名教沈綿林蓀寂寥蓬蒿蟻賊縱橫肆其劫剽鋒刃俱罹沈冤誰弔宋子翩翩居然佳俠英姿飄爽輕身趨捷豹狼塞野身爲偵謀呼告守陴爾氣無懼攀登未上羣雄潛躡首隕短戈魂依危堞韋生殉義爰在老年彭子捐軀亦已華顛履尾蹈刃神色恬然誰其贏老似此貞堅矯矯不羣我思二謝一

甘肅新通志

卷九十

藝文志 贊

聖

呼奮臂百夫悲咤格鬪荒墟相持終夜力絀志伸青燐俱化蔣生憤發氣勇如山丹心所激有壯無孱竟思徒手縛彼兇頑倉黃邁難委骨榛菅古亦有言烈士殉名詎以資格而分重輕黃冠羽客秉翟儒生疇爲小吏孰是編氓沸湯爭濯狂刃甘嬰事誠足紀義並堪旌 聖澤龐鴻邊氓淪浹誰謂花門不知大節闔室雉經全家灰滅視死如歸不爲威惕珉玉秋霜嗚呼比潔 天討奮揚聲靈遠布蕩滌羣醜如風掃雲城郭依然室廬如故營魂返宅暴骸歸墓凡爾國殤應無怨怒我之懷矣同罹危苦拊心念往歷歷如覩撫爾遺踪 吳鎮雙忠贊 鈐山學究老而作賊眇孽東樓口稱詔垂之竹素 勅椒山批鱗碧血霜色誰其繼之鄒張 蘇力侃侃結諫鷹鷂鍛翼蘭谷正言罪人斯 朱超趙充國贊 文以得白虹貫日乾坤不割青瑣兩人千秋遺直 文不適用如賈胡市珠寶非不燦然雜陳而飢不可食寒不可衣終歸無濟公忠心爲國故屯田三奏議事剴切詳明初不必求其文之工而後世自不能及此經濟之文所以有 段會宗段熲合贊 用也清邑之讀書者亦當感前型而思奮矣 營平以屯田三奏照耀史策會宗繼其後宣威西域安戢烏孫李其後會孫頌復以護羌校尉累破西羌與營平後先相望偉矣 李

翁贊

李翁阿陽人顏師古曰阿陽在漢陽天水間卽今之清水翁嘗令澠池歷守三郡有循聲史逸其蹟而清邑舊志復未經

考據致逸其名可泉志秦安而以為阿陽當在秦隴列女上官氏

諸人贊婦人不與外事闕內之行見於史策者蓋鮮上官氏等高

適贊高仲武五十始為詩而氣韻沈雄直驂駕李杜與岑嘉州並

部有因蔡都尉還隴右寄高三十五詩是其證也曲江以一代名

人分符隴右坐鎮上邽而公同時復為書記不為山川增色乎

韋應物贊予聞公為蘇州刺史時掃地焚香郡中自治私心竊慕

予泣清八載修城浚池勸農息訟修學校興復書院凡可以有

益於茲土者靡不畢舉維日孜孜常戴星不遑暇逸而富庶漸臻

風俗未美猶以絃歌之治為愧焉又安得鳴琴對鶴放衙

後手執周易一卷上契河洛精蘊而自然治臻至理耶 韋思謙

杜璣合贊林甫素稱忌賢有忤之者多陰擠之於死地杜公時為

良之賢而猶抑賈人地不能容韋公直言豈所謂休休有容者耶

然使二公不遭貶謫則上邽之人又安能被其福哉此則二公之

不幸而上邽 杜佑贊公父為鄆州都督時曾立功隴右及公為相

百姓之幸矣 憲宗欲討吐蕃公以為周宣中興獫狁為害

追之太原及境而止不欲開邊生事且引蕭望之宋璟

之言為飛一言而隴人被其福仁人之言其利溥哉 曹瑋贊清

新城為曹經略所築並弓門治坊床環鎮戎等砦以備吐蕃公為

武惠王彬子武惠下江南不殺一人公繼其家風威愛並至清邑

舊祀白起白起曾詐坑趙卒四十萬 韓琦文彥博張方平合贊宋

不武甚矣安得與公父子同年語乎 王琦贊宋太祖受命時首

宗時君明臣良以夏人騷動而三賢相 繼來秦斯時隴人之被其惠者多矣 王琦贊宋太祖受命時首

下頗知死節變後五代之俗建炎中王 前瑞吳玠吳玠合贊端長

略所至有功張浚聽吳玠之議而置之於死此與秦檜之害武穆

何以異哉玠後卒以功自顯與弟璘同為隴右保障亦所謂失之

東隅收之 馬文升贊公巡撫陝西時功績甚著奏捷不為誇張以

桑榆者也 是賞薄庶幾大樹將軍之亞乎練兵選將除

賊振飢民受其賜矣觀其秦 楊博贊明自中葉後能留意邊防者

隴道中詩令人歎想不置也 蓋鮮公為兵部郎中時隨大

學士程鑾巡九邊所過山川形勢土俗美惡士卒多寡強弱皆疏

記之蓋留心經濟久矣及巡撫甘肅屯田浚渠直舉而措之耳以

祀名宦也宜哉至巡按鄭公存仁宋公范雖祀名宦而州縣志俱

不載考之明史亦書缺有間焉由公觀之亦可以想見其為人矣

# 甘肅新通志

## 卷九十

藝文志 贊

葉映榴贊 公為督學時謙遜和藹恂恂然仁厚之君子也及後為

謂仁者之勇乎此與明之董公盡倫後先媲美矣 詔贈少司空

子祭廕謚忠節俾都邑通祀名宦 聖朝褒忠之典何其隆也

宋琬贊 國朝詩推朱王施宋故荔裳先生之詩數十年來常諷

頌

震公盡心撫卹上便宜十二事邑人至今思之 高山仰止景行行止以之光昭志乘不亦宜乎

漢揚雄趙充國頌 明靈惟宣戎有先零先零猖狂侵漢西疆既臨其

之羌天子命我從之鮮陽營平守節屢奏封章料敵制 勝威謀靡亢遂剋西戎還師于京鬼方賓服罔有不庭

晉牽秀黃帝頌 邈矣皇軒應天載靈通幽遠覽觀象設形誕敷厥訓

爰登方岳封禪勒成紛然鳳舉龍騰太清遠茲九土 陟彼高冥民斯攸慕涕泗沾纓遐而不墜式頌德聲 陸士衡紀信

甘肅新通志

卷九十

藝文志 贊 頌

聖

唐元結大唐中興頌 天寶十四年安祿山陷洛陽明年陷長安天子

年復兩京上皇還京師於戲前代帝王有盛德大業者必見於歌

頌若令歌頌大業刻之金石非老於文學其誰宜為頌曰噫嘻前

朝孽臣奸驕為昏為妖邊將騁兵毒亂國經羣生失甯大駕南巡

百官竄身奉賊稱臣天將昌唐繫眼我皇匹馬北方獨立一呼千

麾萬旗戎卒前驅我師其東儲皇無我蕩攘羣兇恢復指期曾不

逾時有國無家事有至難寮廟再安二聖重歡地闢天開蠲除妖

災瑞慶大來兇徒逆儔涵濡天休死生堪羞功勞位尊忠烈名存

澤流于孫盛德之興山高日昇萬福是膺能令大君聲容法法不

在斯文湘江東西中直涪溪石崖天 齊可磨可鐫刊此頌焉何千萬年 楊炎靈武宮受命頌 臣聞享

惟德也哉難奉時為聖也必有非常之運是興撥亂之功君以蒼 生為憂不以濡足為患此陶唐所以捨而不畏舜禹所以受而不 疑靈武宮皇帝龍躍之所日者奸臣竊命四海蕩波我聖皇天帝 探命歷之數啓龍圖作受命之書付於我皇帝皇帝方游崆峒以 求至道於是羣公卿士負玉旒金璽望氣芒碭之野三進於闈闔 之中曰區聞在昔蚩尤連禍大盜中國神農氏兵莫能勝天降元 女敕軒轅氏大定其災厥後堯有九州之害而命禹禹以四海之 功而受舜陛下主鬯大位十有九年元德上達景福有歸六聖觀

命歷之期兆人有臨難之請陛下畏災運而不甯棄黎元而不顧  
以至仁爲薄以大寶爲輕臣等若不克所請與億兆之患將披髮  
拊膺號於天而訴於帝矣皇帝唯然改容曰豈人心與丁卯廣平  
王倣太尉光弼司徒子儀尙書左僕射冤兵部尙書輔國與北軍  
將士西土耆老萬五千人排闥以訴帝曰今豺狼穴居宮闕陛下  
兆庶爲餌宗廟爲墟若臣等誠懇未通是高祖不歆於太廟且陛  
下涉渭則洪流涸迴變則慶雲見布澤而川池廣動道而嘉禾生  
靈祇彷彿元貺幽感臣聞符命待聖而作天運否終而會茲契辟  
靈會也睿武英明聖也臣等敢昧死上聞帝乃灑齋宮啟金匱鳴  
咽拜受詔有司大赦天下改元曰至德元年尊聖父爲文武太皇  
帝是日煙雲變作土庶踴躍黃龍見於東野紫氣滿於天門翌日  
也數百里衣裳會兼旬也數千里朝貢會踰月也天下兵車會沃  
時也四方重譯會以一旅成百萬之師率六軍平社稷之難禮郊  
祀戴聖皇與人合誠心以氣消天厲動罔不吉歆無不報是以白  
鹿擾於王庭靈芝產於延英化動而功成淵默而頌聲言禪代者  
陋蒼梧易姓之名語嗣守者羞唐堯積善之辱述載定者歎四紀  
而復夏美中興者嘖三六而滅新於戲神祇之所歸往品物之所  
法象鼓飛龍於尺水仗大義而東向矢談靈墟實在茲都願篆石  
宮庭以垂萬古俾過山澤知風雨之奧窮造化識天地之鑑臣炎  
稽首敢獻頌曰赫赫河圖啟天之祐雲從億萬皇居九五惟昔陶

甘肅新通志

卷九十

藝文志 頌

四

唐克傳舜禹漢也武也夫何足數彼妖者敦惟暴惟貪天寶卽命  
人將不堪皇日內禪于再于三盡武之善去湯之慙兵車百萬洶  
洶雷震橫會九州爲行爲陣恃力者踣從命者順孝以奉天神而  
撫運至德唐堯崇功大禹皤皤兆叟垂白而觀沛邑空歌周原已  
古徘徊頌頌聲 張濛 麟功昭德頌 聖唐九葉皇帝平內盜攘外敵建  
國軍節度使檢校尙書右僕射兼御史大夫華州刺史武康郡王  
李元諒整兵隴右分鎮京西朝野訢以爲宜軍州翕而益重復我  
洮罕期在於茲且謂分星辰之精山河之靈或穆英明爲國而生  
者也於是行軍司馬御史中丞董叔經以州人感公救其塗炭荷  
公拯其蹙厲露表羣言贊于雲隄曰臣聞鼓天下之大節莫先於  
忠義卻天下之大難莫出於才能奏勳庸播金石以爲天下表莫  
盛於碑版然則陛下宗臣元諒雄傑英勇沈斷明謀虎牙之望夙  
成龍額之封果及武齊七德而克用爲模文有九功而能舉爲法  
故炳燭方召稅禪韓彭桓桓然殉國之功皆可揭而昌言也昔陛  
下薄狩郊甸爰幸巴梁虵虺畜而患生豺狼飽而害作內吳宮闕  
黨與講張何望之墾掘咸林敬缸窺戲蒲坂同逆相扇傾陷巨州  
元諒時以散員副戎闕鎮無一塵之士無一旅之衆感憤而發招  
輯白徒斬賊使於潼津破賊將於敷谷乘勝連擊遂克城池間閭  
載安室家相慶此其殉國之功一也勇而重閉以備不虞創積墟

隄是徵板榦環迴裹於修郭延袤載於通衢冀防馳突之鋒庶室  
搜牢之掠四封輻湊不震不驚益兇豎東顧之憂壯義夫西討之  
勢此其殉國之功二也州之器備自昔其空乃剔鑊鼓爲兵撤甃  
影爲甲刻蒿揉爲弩載簣鞞爲排嚴約誓於五申肅部隊於三令  
勞逸斯共甘苦必分德以導其懷刑以齊其力義以啓其憤忠以  
發其誠由是士皆嚮方樂公戰矣此其殉國之功三也籍馬蒐乘  
補卒濟師始編簿者二千終載書者一萬進次昭應稟命於副元  
帥之軍列屯興秦分援於尚可孤之壘元兇恃衆犯我中營或靡  
矜而來或掉鞅而去因其去也靈激颯衝分翼夾馳邀覆其陣血  
鬪澹川之水屍膏灞岸之田狡勢迷窮不能復振此其殉國之功  
四也蒼茫御苑橫矗長雲摧百堵而洞開擁三軍而徑入姚令言  
望旗而潰張光晟棄甲而奔鼓騎爭追若燎於藪賊泚憂迫躬率  
全軍驅其恟恟之徒揮我堂堂之衆一鼓而北竄死眞甯氛葭廓  
而黃道清腥穢消而彤庭肅頓師章敬都邑宴如迎大駕復於咸  
秦遣大兵散於陰晉此其殉國之功五也李懷光阻河拒命竊弄  
戈鋌北連絳臺南抵黃巷選朔方之健將保朝邑之離宮陛下時  
詔攻圍重鞠戎旅總於經略不冒平涼或犄擊其救兵或邀絕其  
餉卒力殫命窘因乃求降未殲當道之豺且蹠吠籬之犬此其殉  
國之功六也進屯河縣接邏官橋雖竹纜已焚而木口將渡大憖  
知窘猶懷鬪心乘時出奇幸於有勝遲明遇伏卒以無歸志蹙窮

# 甘肅新通志

## 卷九十

藝文志 頌

五

城因絞中閣三條以謚二輔斯甯此其殉國之功七也戎羌不道  
倣擾西陸驟掠邠涇深入鹽夏狃其橫猾溽暑仍留苟不用權若  
何攘暴迺勵我鷹揚之旅乘其馬瘠之時張皇軍形緩俘令逸然  
復掛烽結隊加竈翻營師未逾於洛源寇已還於河曲此其殉國  
之功八也萋斐藩戎匿詐求和重違修好之言用許尋盟之約諸  
君皐會是獨沈疑陳其不誠請以爲備且曰古者諸侯相見兵衛  
不撤警也今敵人反覆未可以端拱待之乃距平涼二十里所柵  
爲壁塹爲壕設晉師敖前之伏修楚臣勁後之殿練銳三千涉涇  
式遏旣而升壇將畝果以惡來聲若河翻勢如山進望我旗鼓驚  
胎而還禦侮之道旣宏折衝之威亦著此其殉國之功九也良原  
縣間在涇隴西壓窮邊罹彼煙塵翦除荆棘事未經啟密令興工  
遂發軔而遽行卽建標而特起恢其制度竣以規模役不二旬隱  
然岳立乃修廬井乃闢田疇商旅載通流庸偕附烽埃交於塞表  
保障連於岐右雖周築虎牢漢憑馬邑式遏亂略會何足云此其  
殉國之功十也朝廷所以降丕命策高勳重位以崇之豐爵以榮  
之歌鐘以樂之邸宅以甯之自建中以來衛社稷之臣秉旄鉞之  
將除宰輔董閭外其孰能疇匹於此哉况明允豪賢勤於理要清  
庶以康黎獻簡恤以裕公私推信誠宏敬讓薄九賦勵三農抑浮  
靡之風興廉正之教一年而人知禁二年而人知惠三年而人知  
愛四年而人知誦夫然又安可使懋功昭德沈隱無聞也歟願聽

華人篆之樂石制曰可於是耆壽荔非升古沙門釋僧會道士遊  
方外等千乃心萬乃口喜從所欲祈我筆端乃約奏章以纂成績  
公本姓安氏武威姑臧人蓋黃軒帝孫降居安息高陽王裔留宅  
姑臧僕射元魏之股肱武衛巨唐之牙爪世濟其貴公又昌明而  
弱歲羈孤感於知己某某之族從駱統之姓鎮潼關者五年矣既  
申武節克建戎勳天子以敦淳可親誠明可信更名錫氏以昭實  
焉書所謂踐修厥猷靈承多寵者矣若夫校功王府讓德侯家雖  
馮異揚言已傳徽於昔歲而吉甫作頌庶宏美於今辰詞曰洗洗  
武康兮有虔秉鉞卽戎臨敵兮原火烈烈隊如星兮陣如雲進如  
流兮止如戟轉電激兮衝風發壞苑垣兮復宮闕旣東征兮又西  
伐鞞鼓雄兮才氣傑滌昏霾兮掃妖孽河瀆清兮渭源澈功旣成  
兮恩亦結倚鐵防兮賚金穴華山麓兮敷水滢惠汪濊兮威凜冽  
庶氓安兮羣盜絕舞稚童兮歌大耋城宰雲兮營偃月權德輿歲  
望麾幢兮想旌節樹豐碑兮頌英哲詞不愧兮勳不減

### 星居心頌

皇上宅位六祀七政貞明於上五教敷聞於下其有不  
迪不吉不庭不若之徒皆薰然而和跪然而化春三月

司天氏奏歲星居心宿五度其色黃明潤大光澤帝位積五十餘  
日詔下有司頒示中外故臣得而言之以形歌頌謹按歲星五帝  
爲蒼五行爲木五常爲仁五事爲貌天時若曰時以至仁爲理覆  
露萬民洽浹生類協夫五行五事之用則發於星緯形於禎應陰

## 甘肅新通志

### 卷九十

藝文志 頌

巽

騰大化昭報成功元符幽贊其昭昭如是禮運之論聖人以日星  
爲紀四時爲柄洪範之敘皇極曰斂時五福用敷錫厥庶人發於  
人格於天天人交感合若符節其年秋平河中之寇葬其遺骸復  
其世祀班淮右之師用宏文告用去武備此二帝三代所以恢令  
名也於是是一統類以昭德明法制以塞違薦禮百神賓懷獮俗嘉  
瑞美祥紛委狎至置之而不有哲人端士連茹論職求之如已矢  
然後端拱於穆清怡神於靖冥驅一代爲純誠接萬物於明庭斯  
文登邁遂古光昭聞見巍乎紹天統物之盛者也微臣瑣賤沐浴  
仁聖敢獻歲星居心頌一章以備周詩由庚由儀之闕頌曰皇矣  
上帝降鑒下民后王承之制作禮文爰用清明家尚孝仁人無癘  
疵俗以阜蕃敷佑四方發爲天祥重華煌煌乃居明堂下照仁澤  
上爲祥光回覆感通天人攸同乃法五事乃建大中君君臣臣德  
輝昭融保祐命之自天無窮微臣頌歌敢備唐風

## 明宋有文項公平虜頌

成化戊子夏平涼逆虜猾夏上命都臺項公  
忠總督三軍討之直擣巢穴出計策冒矢石

百餘戰而酋虜就擒巢穴尋平時有文執事帳下目擊成功故言  
而集句九章以頌之嗟嗟烈祖受天之祐綱紀四方奄有下土明  
明天子繩其祖武柔遠能邇民之父母嚴狄匪茹敢拒大邦內曩  
中國陟彼高岡多將熇熇如蜩如螗會是疆禦亦孔之將六月棲

棲我征徂西是類是馮建施設旃薄我獵狃方何爲期既破我豎  
民之方殿屎王赫斯怒乃眷西顧王命卿士文武吉甫陳師鞠旅  
深入其阻左右陳行仍執醜虜檀車煌煌駟介旁旁沃以饋納旂  
旄央央愷悌君子時維鷹揚有虔秉鉞儼狃于襄我師我旅如霆  
如雷我徒我御維熊維羆式遏寇虐無縱詭隨是伐是肆獵狃于  
夷赫赫業業無競維烈桓桓於征一月三捷孔淑不逆無俾作慝  
寵綏四方惠此中國勿事行枚載橐弓矢振旅闐闐垂轡爾爾執  
訊獲醜言旒言歸無大無小云胡不喜入覲於王佩玉鏘鏘以奏  
膚功萬民所望天子是若載錫之光  
**楊宗震禦虜異捷頌**  
嘉靖壬寅維阿衡天子之邦副使宋有文撰  
時持節以來總督維時俺答倡謀吉能剝眾欲圖深犯公相機度  
敵併力夾擊虜勢潰北斬獲首級陝八十有八延三百一十有五  
甯一百四十有三成殊功於俄頃漫頌以紀其盛云赫赫元臣嵩  
嶽匪祥握瑾抱琦廊廟圭璋簡控三陲天鑿煌煌振威萬里風紀  
乃颺蠢茲黠奴慣爲猖狂連屯十萬來犯朔方我甲我檄祕論出  
常我揚我武奇正相將一戰而東擣於遐荒再戰而西敵愾凌霜  
三戰而南縛虎捕狼龍營四合虜顧傍徨蕭蕭夜遯大哭空囊視  
我室廬秋毫匪傷伊誰戮力帥閩騰驤伊誰代謀撫公胥匡撫公  
不有於翁之張翁辨不有迺贊上皇皇曰嘉績爾安爾攘朔我廟  
社績我邊疆迺優以幣願麟之章迺錫以金日月之光厥有延賞

甘肅新通志

卷九十

藝文志 頌

聖

廷議則揚臣勞君賚曠遇馳方爰綴俚言備采  
旂常嘉靖癸亥歲孟夏戶部郎中揚宗震撰  
**趙時春總督唐公**

**朔方破虜頌**  
皇翼其武者靖萬方肇奠區夏章及紘荒北箝南登  
西底戎荒崦嵫之東罔不來享 敦彼韃韃墮蠕相

將風于大瀚不命而王弦騶維票其來攘覆爰自營并盜于秦涼  
帝矜齊氓罔救迺驅馴師千旅往屏之防大遯獻臣夷我有邦

錫命邀邀胡對休光 河海員綴傑倫之場沈沈尙書九伐用張  
蒐于絕野我武孔揚翦而窳藪靡敢獫狁 或自斗辟覲爲不臧

偏師虔討其元一戕徒燿而逋如彪驅狼反決其背云嗟而羊  
峙我鋌戕我旂常厲我征夫厥率聿良迅掃朔漠實於櫜槍矜

殲梟獍賀蘭之陽 厥初西師或萃以疆帝命尙書往哺之糧既  
飽而逸無庸不昌撻彼朔野其容煌煌 我師之強百蠻震降肆

哉天龍宇內溥康奄受多祉執  
共維龐何以紹之曰虞與唐

國朝劉庶大渠工竣恭頌

惟 皇建極式厚民生曠土咸宅隙壤皆耕  
矧茲查漢沃野砥平載耘載耔實利邊氓伊

昔外柔析支是踞草茂泉甘漢夷並附廓清疆宇毳帳斯去偶牧  
偶田人心悅豫我 皇握治宵旰民依眷茲西顧荒服農基在河

之澗疏導均宜經營相度大臣聿咨兩曹協恭受命率屬材庇工  
鳩次第俱督若後若先或濬或築瞭若掌明綿如縷續大工竣始



六羊暢流新渠創闢厥口油油開橋高控分瀉上游漢唐尙矣  
此皇猷綿互蜿蜒自南自北東西交流上下如織暗洞飛槽人  
工神力舊堵新畬咸安稼穡賀蘭山下紅柳灘東雲煙吐沒草棘  
蒙茸開荒闢野十雨五風何如水利不擾農功惟茲兩渠貽美  
利旁引支分流均派異晦晦原田實宏灌溉萬頃膏腴民天攸寄  
繫民樂業擇土而居濃陰錯柳新堞剖符金資內府學啟諸儒占  
藉兩縣葺我田廬田舍伊何萬年世業外護長隄永無沖決疏濬  
通淤餘波又洩鞏固疆域內安外悅天恩汪濊萬國均懷慶與  
水利疏濬決排銀疆西鄙神功克偕分溝列澮膏澤無涸况在  
隅羣黎仰化適彼樂郊星言夙駕樂爾妻孥睦其姻婭以嬉以  
光天程履豐左恪靖伯六旬壽頌集文選於皇聖世二百餘  
宏才爲世出光於唐虞輝麗日月誇誇黃髮外總兵權恢復疆宇  
彈壓山川業類補天勳超邃古佩紫懷黃旣襲圭組洪規遠略天  
下知名功無與二命世是生公之生也實天所啟維嶽降神天才  
英偉早所器異玉質幼彰琢磨合範流耀含英殫見洽聞經綸訓  
典摘藻爲春草隸兼善弱冠秀發播名上京興廉舉孝首應弓旌  
出入禮闈雁行有序馳騁文辭此焉遊處伯牙揮手識音者希白  
雲誰侶歸去來兮用行舍藏素王之道領袖後進經師人表嘯  
豪傑脫略公卿抱德肥遯與物無營世亦須才遣書致意賓禮名

甘肅新通志

卷九十

藝文志 頌

吳

賢任切書記振冠南嶽於今鬱儔潛慮帷幕翼新大猷海內宴然  
六師無事巨猾閒豐狡焉思肆供飄扇海電發荆南玉石同碎金  
湯失險哀此黎元遭遇厄運十室而九變爲煨燼憤慨交集大人  
于興率勵義勇更練精兵剪滅鯨鯢撫翼桑梓大殲醜類殊略卓  
峙於是 聖上榮寵屢加龍不暇伏攝統戎車炳煥輝煌肅承  
明詔位在列卿太常之號休徵自至當是之時日月聯璧雲潤星  
輝以臨豫章高牙以建神兵東驅拯茲塗炭拜檄萬計鐵馬千羣  
所向風靡滅跡掃塵積簡 帝心乘軹建節桓桓撫軍往制勁越  
直指吳會羣兇靡餘爰整精銳選自閩閩席捲虔劉忠勇伯世析  
畦而爵爵在上列洗兵海島關右震惶姦回內鼎寇害尋興鋒鏑  
縱橫越在西土愍此百姓身膏氏斧難患未弭饑饉是因死傷積  
野荆棘成榛孰掃霧非公莫可 聖朝西顧 詔書特下龔行  
天罰秉鉞鷹揚宿將舊卒爭爲前登飛檄秦郊諭以威德先惠後  
誅運諸神策壺漿塞陌草食盈塗民望如草轉粟流輸蠢蠢犬羊  
乍合乍散殄之渭南背擊北岸軍中倉猝金鼓響振迴戈東指北  
定中原跡不斃停躡躡燕趙朝王暮捷勢如風掃掃除兇逆入觀  
天人班師整旅自京徂秦芟孽孽旗遞行天討野鼠城狐相繼  
屏剽鼓無停響兵不鈍鋒追奔逐北遂克西戎漢之西都邇安遠  
肅茂育羣生鄭白之沃移師趙 征靈州策定帷幄以伐以柔  
猛將如雲列營碁時彼戎狄者 披靡酋豪猜貳負固不恭結

備附黨憑恃其眾拒圍一年深溝高壘師旅既加險亦難恃首鼠疆界累卵之危偽帥畏備請受纓縻順逆之分威懷理二日納其降斬其梟帥肅明憲典至公至平旂首萬里戎夏以清善以示後百姓安堵率民耕桑各得其所更謀進取西至於河元渠時殄又况么麼蓋為至愚阻河為固鉦鼓一動賊疏警怖過此以往戎有西零不俟血刃罔敢不庭須臾之間河西無警望德如歸關塞謐靜孟冬十月吉日良辰賦詩稱壽懽然交欣 帝嘉茂庸 寵命優渥為光為龍受茲介福都人士女蹈德詠仁觴以清醪春醴惟醕人亦有言永年之術何慮何營澹然自逸娛志方外餌苧黃精生盡其養物性其情蒙竊惑焉其辭云爾大人長物有異於此籌畫軍國羽翼 儲宮鑒達治體甄陶國風棲棲遑遑時食晏寢圖匱於豐去泰去甚夙夜匪懈宏濟艱難年其逮耆心不違安福生有基有自來矣惟德動天宜享遐紀鄙人驂凌以管窺天昧道惜學將何述焉煥乎有文莫非其舊綴而序之略陳固陋敢作頌曰卓哉煌煌大人有作勳績維光進爵為侯慶延於後子子孫孫榮鏡宇宙風雨玉燭天瑞之徵塗歌巷詠溢於民聽德顯功高不可勝讚長無極兮永錫洪算

題跋

甘肅新通志

卷九十

藝文志

頌

題跋

吳

宋曾鞏西狹頌跋

武都太守漢陽阿陽李翕字伯都以郡之西狹閣道通梁益緣壁立之山臨不測之谿危難險峻數

有顛覆霄墜之害乃與功曹吏李旻定策勅衛官掾仇審治東坂有秩李瑾治西坂鑿燒大石改高即平正曲廣隄既成人得夷塗可以夜涉迺相與作頌刻石其頌有二其所識一也其一立於建甯四年六月十三日壬寅其一是年六月二十日立也又稱翕嘗令灑池治嶠嶽之道有黃龍白鹿之瑞其後治武都又有嘉禾甘露木連理之祥皆圖畫其像刻石側蓋嘉祐之間鼂仲約質夫為興州還京師得郿閣頌以遺余稱析里橋郿閣漢武都太守李翕字伯都之所建以去沈浚之患而翕字殘缺不可辨得歐陽永叔集古目錄跋尾以為李翕余亦意其然又熙甯十年馬中玉為轉運判官於江西出成州所得此頌以示余始知其果為李翕也永叔于學博矣其于是正文字尤審近士大夫喜藏畫而漢畫則未有能得之者及得此圖所畫龍鹿露木嘉禾然後漢畫始見又皆出於石刻郿閣立於建甯五年然一西狹郿閣之道有益於人而史不傳則頌之作其可備史之闕與

國朝楊其忠鞏昌府志跋

郡志二十八卷創自中丞胡可泉先生詳贍博雅頗稱足徵然世遠代移不能不俟後人

之補續也司徒楊鳳池先生起而續之雖摛藻擅奇而中丞公之奧義微文可追矣文安紀夫子以燕南鴻儒典我鞏郡搜羅舊志

留心補輯祇以兵燹疊罹梨棗盡付回祿不惟中丞公之記籍杳無可稽卽司徒公之續書亦多殘缺不克副我夫子之願者數年於茲矣丁卯歲天子命詞臣纂一統志勅直省諸臣各以志獻夫子慨然曰是余之志也因所購舊志半部於平賦獄之暇推類補輯核實增續不踰月而成中閒有以私廢公者一考覈而是非定矣有過質鮮文者一潤澤而華實茂矣有詳於小而畧於大扭於古而悖於今者一討論而巨細分一勘酌而時勢協矣其義類則詳而嚴其文詞則簡而該雖一字之細一事之末不敢假易不敢溢收凜凜乎紫陽之書法尼山之遺意也豈但曰駕司徒而韻頌中丞已哉迺猶不自是更採芻蕘命參軍王子忠郡鐸谷子友聲糾諸生胡厚洎余小子忠效飛蟲之弋或參正或校閱而隴右得觀全書矣逾年付劄刷氏而壽之梓邑丞詹子冠英郡訓安子素庵則又董其成者也余小子何敢諛詞不過暢溥跋刊長敬述始末以夫子之志郡事者志夫子之苦心云爾

吉詩

米元章知無爲初入麻見所立石喜曰此足當我拜卽取袍笏禮之乃知宇宙間奇物之遇奇人聲氣相隨遂結爲千古

之賞况奇人之遇奇書能禁夫枕中之祕不爲如蛩之驚喜耶我翁師尚嘉名賢以前言往行爲師友夙嗜長吉詩曰隴西詩人也藉以守隴廣其傳夫撫古人之劍者咸異寶之抱碩人之琴者每思珍之今日此刻固留名賢之琴劍異日讀此刻不又當我翁師

# 甘肅新通志

## 卷九十

藝文志 題跋

辛

之碧眼乎若曰長吉天上星地下英霞肝月肺別吐靈籟此不特古之人知之卽上帝亦知之溥故不敢效敖陶孫詩人之評而第以爲翁師之刻如愛李思訓之畫者掩障閒夜聞水聲也因感天地磊砢英多之氣毓爲奇人發爲奇詞結爲奇緣甯直一時盛事哉選梨鏤竣楊應琚題東魯許仲玉先生西平出塞圖恬淡之士以誌景佩云

楊應琚題東魯許仲玉先生西平出塞圖

恬淡之士志在林壑

慷慨之士志在疆場矯矯先生鬚眉怒張腰橫一劍秋水深藏磨之十年未試鋒銑歲在辛丑西戎跳梁家嚴從軍輓運芻糧先生慷慨仗劍匡襄西陲關外六月飛霜大漠草枯連山水竭人馬相依重裘似鐵先生散人夫何至此歷盡崎嶇以報知己今幾何時六載於是家嚴蒙恩開府百粵先生來游揖爲上客追憶曠昔爰繪此圖戴笠披氈雨雪載途鴻鵠之志志在遠舉瘴海層冰不知其苦楊芳燦松花庵逸草跋松屋先生授余鞅草一卷且曰昔付

楊芳燦松花庵逸草跋

松屋先生授余鞅草一卷且曰昔付

可存者耶余受而讀之其中卓然可傳者蓋十之五六焉嘗謂貧窶之子藏燕石者什襲享敝帚者千金此矜惜之過也若陶朱猗頓之家視金珠如瓦礫其失惟均因亟勸先生登之又以示潛山丁五星樹所見略同獨信固不如共信歟今其詩具在有目者當不以余爲阿取所松花庵詩餘跋裁雲縫月妙合自然刻楮鏤冰好也丙午七月

松花庵詩餘跋

裁雲縫月妙合自然刻楮鏤冰

石之清疏此詞家之最上乘也嘗論小詞秦柳固為正宗姜辛亦非別派與其摹寫閨襜千手一律何如行吾胸臆獨開生面之為得乎先生詩高古雄邁詩餘亦然凡應酬之作及稍涉綺豔者均可不存葉脫而孤花明雲淨而峭峯出別為一卷附詩之後乾隆

丙午立 **張澍書李翁析里橋郿閣碑後** 文云行理咨嗟按國語周秋曰

關尹以告行理以節迎之賈逵日理吏也小行人也然古者謂行人為行李亦曰行理左僖三十年傳云行李之往來襄八年傳亦

不使一介行李告於寡君並作李昭十三年傳行理之命無曰下至則作理李理古字通故皋陶為理管子作為李老子之後改為

理氏也又云劬勞日稷兮惟惠勤稷即易之昃字一作吳釋文云吳孟作稷蓋即側字穀梁丁巳葬我君公雨不克葬戊午日下稷

乃克葬尚書中侯握河紀至于日稷運衡篇退俟至于下稷考河命篇至于下稷鄭注稷讀日側下側日西之時又靈臺碑云日稷

不夏費鳳別碑云乾乾日稷太予君子應以大稷 **書前秦廣武將**

**軍 產碑後** 此碑為前秦張蚝之孫之子產與苟輔共立者也文有云繼秦建元四年歲在丙辰十月十一日廣武將

軍缺使持節冠軍將軍益州刺史上黨公之元孫三代侍中缺卿建中將軍扶夸護軍扶風太守遷缺匡侯之允子諱產字君缺又

# 甘肅新通志

## 卷九十

藝文志 題跋

至

云君秉德缺予高韻絕流文柔武烈合聞孔修又云匡毗獻主忠訓殊異宰政欽中顯授池陽令又即授征西大將軍左司馬又云

威臨南界與馮翊護軍苟輔參分所在栗石偃師武億以為未得其人始末按十六國春秋前秦錄廣武將軍乃張蚝也蚝本姓弓

上黨涇人為張平養子銅壁之戰為鄧羌所禽持堅以為虎賁中郎將尋加廣武將軍又為虎牙將軍進為前將軍又為前禁將軍

十四年為并州刺史入為後將軍堅伐晉蚝為驃騎將軍丕即位進蚝為侍中司空上黨郡公本傳不言為冠軍將軍益州刺史然

十八年晉楊亮攻涪城堅遣蚝帥兵救之蚝出斜谷亮引兵退其為使持節冠軍將軍益州刺史當在此時也苟輔南安人為堅新

平太守姚萇率眾攻之輔與郡人馮傑馮羽等固守為萇所殺堅諡曰節愍侯前秦錄亦不言為馮翊護軍蚝本傳亦未言其子孫

之名位得此足 **牛樹梅吳赤谷蠹書跋** 蠹書鈔本自陳常于明經補史之闕文矣

之著作遺墨見必鈔錄藏必什襲若有癖焉而物聚所好亦若有靈焉即如赤谷子書藏於常于者凡數種皆隴之人所希見也原

子仲思則又甚焉遺墨中若有關身心及忠孝節義等事雖殘軸敗紙不惜重價購之而且多鈔廣給公諸同志使知吾鄉之有是

人其人之有是事與是文而流連愛慕之無已焉今蠹書之鈔傳日益眾則仲思之力也噫使學者皆如是以為心前賢遺文可無

廢墜而以心傳心並將衍跋汪价人先生詩後凡物之生皆有所薪火於無窮也豈不懿歟

後能長留其精神以自壽文采其末也古之孝友仁人不必皆有著作以名後世而聞風起慕異世同情甚者傳其近似之跡託其

邑里之名以爭相嚮往否則華茂實衰虛車自侈雖復豔才驚人高文絕世或且顧而薄之以此見秉彝之有同好而文行之不並

稱也汪价人先生以孝友稱於隴性嗜學手鈔書盈數尺其睦鄉里振困乏愛養士類諸大端鄉先輩已詳哉言之梅聞而慕之既

而與其嗣君鳳諧彥昌交並得觀先生敦厚和藹之氣不言而化人歲乙未與鳳諧同寓都門又得讀所鐫先生詩見其和雅清醇

得風人之旨而亦適肖先生之為人年來又與鳳諧同宦蜀談家世益悉夫以先生之好義篤行型於里黨信於友朋獨惜其不得

志於時以抒所蘊蓄而金玉之質其精良足以自葆其光氣足以自華即不必鏤文炫采固將有輝山媚澤而不容或掩者而况桃

李自春芳妍共賞吉光片羽世瑞同珍如先生之有本而後有文者哉今鳳諧以醇誠謹恪受知於各大憲襄治節巨晉階花縣皆

先生之教也鳳諧其益修乃職懋乃猷推先生未竟之志舉為原而被之於斯民而先生之澤孔長矣不朽之業獨詩也歟哉

仲思書聖室錄感跋後聖室錄感二曲先生擬終身之喪幽居聖室所手錄以誌感者也夫先生之孝所以

甘肅新通志 卷九十

藝文志 題跋

三

尊親顯親者亦云至矣而所感若是豈非以三旬九食有所痛於心而不能自釋耶然則幸而有親且幸而不至如先生之貧者慎

無以養口體為小事也嗟嗟望雲惜日風木迫人回首生平孰無不可為人不可為子之處顧以天良一點固蔽深局對鏡自照借

鑰自啟庶稍見其端緒乎原子仲思篤於事親嘗手鈔是錄以自警發既又屬余書為冊頁其懇懇於此者殆無已也書既竣並誌

數語於卷末書龍炳垣朱子講學輯要編後前余司蜀臬時新繁龍生炳垣條陳時事數千言刻

小學又來告以御製序文冠首於是識其人又略知其所學既而見其所著讀書做人譜又既而讀其朱子講學輯要編則哀然

大部矣其書博觀約取一本考亭而旁參經史附以己意蓋積十數年之心力而成者也雖評語有似太繁者然生平用功之精密

亦可見矣夫當此士習波靡之時舉世以講學為諱而龍生所志如此所學如此豈非所謂空谷足音歟今楊禮南學使懇懇以小

學為教以端士習為先務按臨所至訪求實學得龍安陳孝廉代芝與生同薦諸朝授以京職其所以風勵章縫者不可謂不至

矣書此卷末以誌欣幸

